

外科正宗目錄

卷一

癰疽原委論第一

癰疽治法總論第二

癰疽陽症歌第三

癰疽陰症歌第四

癰疽半陽半陰症歌第五

癰疽五善歌第六

癰疽七惡歌第七

治病則例歌第八

癰疽灸法并禁灸瘡穴第九

論病生死法第十

察形色順逆十一

病有三因受病主治不同論十二

調理須知十三

雜忌須知十四

卷二

瘡瘍看法十五

腫瘍治法十六

腫瘍主治方十七

潰瘍治法十八

潰瘍主治方十九

卷三

癰疽圖形二十

癰疽諸名歌二十一

腦疽二十一

卷四

發背二十三

疔瘡二十四

脫疽二十五

卷五

癰癤二十六

鬢疽二十七

卷六

咽喉二十八

時毒二十九

癭瘤三十

肺癰三十一

卷七

流注三十二

乳癰三十三

附骨疽三十四

卷八

腸癰三十五

臟毒三十六

痔瘡三十七

下疳三十八

魚口便毒三十九

卷九

囊癰四十

懸癰四十一

臀癰四十二

楊梅瘡四十三

結毒四十四

多骨疽四十五

陰瘡四十六

卷十

傷寒發頤四十七

痼發四十八

癩疽四十九

小腹癰五十

鵝口疽五十一

龍泉疽虎鬚毒五十二

石榴疽五十三

穿踝疽五十四

大麻風五十五

翻花瘡五十六

腋癰五十七

脅癰五十八

鼻痔五十九

骨槽風六十

紫白癩風六十一

齒病六十二

腦漏六十三

破傷風六十四

跌撲六十五

金瘡六十六

杖瘡六十七

竹木刺六十八

湯潑火燒六十九

甲疽七十

繭唇七十一

痞癰七十二

天蛇毒七十三

頭痛七十四

合谷毒七十五

鼻出血七十六

牙縫出血七十七

血箭血痣七十八

卷十一

鵝掌風七十九

腎囊風八十

疥瘡八十一

癩瘡八十二

血風瘡八十三

頑癬八十四

膿窠瘡八十五

火丹八十六

天泡八十七

肺風粉刺酒戲鼻八十八

雀斑八十九

汗斑九十

油風九十一

白屑風九十二

耳病九十三

漆瘡九十四



瘰癧瘡九十五

疥癩九十六

痰包九十七

癩風九十八

溼腫九十九

女人面生鰲黑斑一百

鈕釦風一百一

枯筋箭一百二

婦人腳丫作癢一百三

手足破裂一百四

眼丹一百五

眼胞菌毒一百六

黑子一百七

體氣一百八

白禿瘡一百九

奶癬一百十

蟾拱頭一百十一

小兒遺毒爛斑一百十二

螻蛄串一百十三  
小兒痘風瘡一百十四

小兒赤遊丹一百十五  
走馬疳一百十六

重舌一百十七  
胎瘤一百十八

鵝口瘡一百十九  
痘癰一百二十

痘疔一百二十一  
黃水瘡一百二十二

卷十二

大人口破一百二十三  
唇風一百二十四

臭田螺一百二十五  
牛程躄一百二十六

蟻螂蛙一百二十七  
田螺泡一百二十八

皴痛一百二十九

凍風一百三十

陰蝨一百三十一

蒲桃疫一百三十二

咬傷一百三十三

風犬傷一百三十四

惡蟲叮咬一百三十五

百蟲入耳一百三十六

誤吞針鐵骨哽咽喉一百三十七

人面瘡一百三十八

陰毒一百三十九

失榮症一百四十

中砒毒一百四十一

落下頷拏法一百四十二

救自刎斷喉法一百四十三

試知百病死生法一百四十四

造孽報病說一百四十五

仙方活命飲今古不同論一百四十六

拾遺症一百四十七  
縑縛背瘡法一百四十八

癰疽內肉不合法一百四十九

煉元明粉法一百五十  
煉金頂砒法一百五十一

煉硝石法一百五十二  
取蟾酥法一百五十三

製附子法一百五十四  
昇白靈藥法一百五十五

製寒食麪法一百五十六

製披針喉針法一百五十七

諸藥製法一百五十八 逐日人神歌一百五十九

十二時人神歌一百六十

十干日針忌歌一百六十一

屍神歌圖一百六十二 醫家五戒一百六十三

醫家十要一百六十四

外科正宗卷十一

海甯許

翻印本訂

明崇川陳實功著

吳江徐大

審靈詒

海甯蔣光煇寅昉校

鵝掌風第七十九

鵝掌風由足陽明胃經火熱血燥。外受寒涼所疑。致皮

枯槁。又或時瘡餘毒未盡。亦能致此。初起紫斑白點。

久則皮膚枯厚。破裂不已。二礬湯薰洗即愈。

徐曰。此症必用塗藥。烘手洗方無益也。

二礬湯

二礬湯中白阜礬先薰後洗油烟照

兒茶柏葉在其間鴉掌風痛愈不難

治鵝掌風皮膚枯厚破裂作痛宜用此湯薰洗輕則

不宜越重越效。

白礬

阜礬

各四兩

孩兒茶

五錢

柏葉

半斤

用水十碗同上藥四味煎數滾先用桐油搽抹患上。

再以桐油蘸紙撚點著以烟燄薰片時方將前湯乘

滾貯淨桶內用布蓋好將手伸入以湯薰之勿令泄

氣待微熱傾入盆內蘸洗良久一次可愈七日忌下

湯水永不再發。

腎囊風第八十

腎囊風乃肝經風溼所成。其患作癢。喜浴熱湯。甚者疙

痞頑麻。破流脂水。宜蛇牀子湯薰洗。二次即愈。

蛇牀子湯

蛇牀子湯當歸尾  
河水同煎薰患處

舌參片加威靈仙  
腎囊風癢得安然

治腎囊風溼熱為患疙痞作癢搔之作疼者

蛇牀子

當歸尾

威靈仙

苦參

各五錢

水五碗。煎數滾。入盆內先薰。待溫浸洗。二次愈。

徐曰。此專治之方。

楣案蛇牀子徐圈。



狼毒膏

狼毒膏中用檳榔  
川椒楓肉同油沸

蛇牀五倍子硫黃  
投入皮硝膽汁良

治症同前

狼毒

檳榔

硫黃

五倍子

川椒

楓子肉

蛇牀子

各三錢

右為末。用香油一大杯煎滾。入皮硝三錢。再煎滾。次

下公豬膽汁一個和勻。調前藥搽擦。此藥諸癢瘡用

之並效。此句  
徐圈

榴案楓子肉蛇牀子徐圈。

疥瘡論第八十一

夫疥者微芒之疾也。發之令人搔手不閒。但不知其何以生者。疥曰。吾不根而生。無母而成。乃稟陰陽氣育。溼熱化形。常列於王侯掌上。何妨士庶之身。可使文人怕筆。繡女停針。毋分貴賤。一例施行。醫問曰。不生於身。獨攻於手者。又何也。疥曰。手掌乃太陰溼土所主。手心又少陽相火所司。土能生我。火能化我。此生皆賴溼土陽火所化。故生者必出於手掌。醫曰。然哉。但其形知動而不知靜。能進而不能退。自非清氣所化也。又脾主消納。胃主傳化。人之飲食。未有不從厚。

味者。厚味之中。溼熱並化。致生此瘡。又清氣隨脈循  
行。濁氣留滯不散。停留肌膚。積日不解。隨後生熱發  
癢。故癢熱之中。溼火混化爲蟲。形隨溼化。動隨火化。  
此無情而之有情也。既化之後。潛隱皮膚。展轉攻行。  
發癢鑽刺。化化生生。傳徧肢體。近則變爲疥癬。久則  
變成頑風。多致皮膚枯槁。浸淫血脈。搔癢無度。得湯  
方解。是宜外以繡毬丸搽擦。止癢殺蟲。內服消風散。  
散風涼血。兼戒口味辛熱。莫啜忌洗熱湯。其煩自脫。  
此爲小恙。不當陳說。閒中之言。隨筆而白。

消風散

消風散內歸生地  
胡麻知母牛蒡子

蟬蛻木通蒼苦參  
石膏甘草與防荆

治風溼浸淫血脈致生瘡疥搔癢不絕及大人小兒

風熱癩疹遍身雲片斑點乍有乍無並效

當歸

生地

防風

蟬蛻

知母

苦參

胡麻

荆芥

蒼朮

牛蒡子

石膏

各一錢

甘草

木通

各五分

冰二茶鍾煎八分食遠服

徐曰此淨泛之方

當歸飲子

當歸飲子芍芎耆  
甘草何首烏荆芥

生地防風白蒺藜  
諸風瘡痒服之宜

治血燥皮膚作癢及風熱瘡疥搔癢或作疼痛。

當歸

川芎

白芍

生地

防風

白蒺藜

荆芥

何首烏

各一錢

黃耆

甘草

各五分

水二茶鍾煎八分。食遠服。

徐曰亦泛方。

繡毬丸

繡毬丸內用樟冰雄黃枯礬楓子肉

輕粉川椒共水銀諸瘡痒疥擦之靈

治一切乾溼疥瘡及膿窠爛瘡搔癢無度者

樟冰

川椒

枯礬

輕粉

水銀

雄黃各二錢 楓子肉一百洗 另碾

以上共為細末。同大楓子肉再碾和勻。加柏油一兩。化開。和藥攪勻。丸作圓眼大。於瘡上擦之。

徐曰。水銀入皮膚中有毒。不宜用。

諸瘡一掃光 諸瘡一掃光 硫柏 木鼈牀 椒枯 白礬 水銀 楓子 樟冰粉 白砥 苦參 烟膠 參

治瘡不論新久。及身上下。或乾或溼。異類殊形。但多癢少痛者。用之俱各有效。

苦參 黃柏各一斤 烟膠一升 木鼈肉 蛇牀子

點紅椒 明礬 枯礬 硫黃 楓子肉

樟冰

水銀

輕粉

各三兩

白砒

五錢

共為細末。熟豬油二斤四兩。化開入藥攪勻。丸作龍眼大。瓷瓶收貯。用時搽擦二次即愈。

徐曰。此藥用者。往往使毒入裏。變成瘡蠱。慎之。

楣案硝皮鋪刮下。諸皮之膜。炒成炭研末。謂之烟膠。余見今人合瘡藥。多以淡巴菰烟筒中之油。當之。問諸醫者。亦多不知。

洗癢瘡方

洗癢瘡方只二般。公豬膽汁和勻洗。

苦參先將河水煎九日。三洗可全安。

苦參半斤。切片用河水三四瓢煎藥。數滾參水二瓢。

住火片時。濾去渣。和公豬膽汁四五枚攪勻淋洗。三日一洗。三次亦可痊愈矣。

徐曰。此外治良方。

臙瘡論第八十二

臙瘡者。風熱溼毒相聚而成。有新久之別。內外之殊。新者。只用三香膏乳香法。紙貼之。自愈。稍久紫黑者。以解毒紫金膏搽。扎漸可。年久頑臙。皮肉烏黑下陷。臭穢不堪者。用蜈蚣餞法。去風毒。化瘀腐。方可得愈。外臙多服四生丸。內臙多服腎氣丸。



三香膏

三香膏內乳松香  
葱湯洗淨方膏貼

輕粉油調紙內藏  
何愁新久爛疔瘡

治疔瘡初起。多疼少癢。未經受風紫黑者。

乳香

松香

輕粉

各等分

右為細末。香油調稠。用夾紙一面以針密刺細孔。將藥夾搽紙內。先以葱湯洗淨。將紙有孔一面對瘡貼之。三日一換。自效。忌房事煎炒等件。

徐曰。此治一切溼風瘡俱效。

乳香法紙

法紙方奇用乳香  
攤乾再摻真輕粉

紙捲浸入甘草湯  
止痛生肌貼爛瘡

治疔瘡作痛不愈。先碾乳香細末一兩。聽用以呈文。

每紙四張。每紙一張攤平。用乳香二錢五分細攤平。紙上雙折捲一寸闊。將捲紙復作三條。外用以綿扎之。用甘草一兩二錢。水三碗。將捲過藥紙浸入甘草湯內。上用重物壓之。煮數滾。取起紙來。解去扎線。將紙攤開桌上。每張用輕粉三錢。糝乳香上。用稷糊刷排刷令勻。提起藥紙帶溼。以無藥一面對板壁上貼之。陰乾收用。臨時隨瘡大小。翦紙多少。先用溫湯洗淨。隨將紙有藥一面對瘡貼之。絹扎。三日一換。自然止痛生肌。如貼後內無水出。不必換貼。自愈。

徐曰做法無謂。

蜈蚣錢

蜈蚣錢治人頑賺  
甘草加上同熬就

獨活桐油白芷煎  
傾入瘡中黑腐痊

治賺瘡多年黑腐臭爛作疼諸藥不效者用桐油二兩獨活白芷甘草蜈蚣各一錢入油內煎滾先將賺瘡洗淨用白麪水調作圈圍在瘡之四邊毋令泄氣走油將腳放平以茶匙挑油漸漸乘熱加滿待油溫取去已後腐肉風毒自然脫下用解毒紫金膏搽上紙蓋絹扎三日一換。

徐曰此法甚奇一切腐敗頑肉蟲蝕俱可用。

解毒紫金膏

見結毒門

治疔瘡母論新久及頑瘡年久不愈者。

四生丸

四生丸療久疔瘡地龍白附僵蠶等

骨節多疼舉動妨草烏靈脂共丸良

治外疔血風頑瘡骨節疼痛不能舉動或行步不前或渾身疼癢或麻痺不仁或生斑疹。

地龍

去土

僵蠶

炒去絲

白附子

五靈脂

草烏

去皮尖泡各等分

右為細末米糊丸桐子大每服三四十九食前茶酒

任下。

徐曰。此法不驗。

賺瘡應用方

腎氣丸

見肺  
癰門

血風瘡第八十三

血風瘡乃風熱溼熱血熱三者交感而生。發則搔癢無  
度。破流脂水。日漸沿開。甚者內服消風散。加牛膝黃  
柏。外搽解毒雄黃散。或如意金黃散。如年久紫黑堅  
硬。氣血不行者。用針砭去黑血。以神燈照法薰之。以  
解鬱毒。次以前藥敷之。方效。

解毒雄黃散

治風溼流注腿腳。致生血風頑瘡。紫黑搔癢者。

雄黃

四兩

硫黃

八兩

右二味。共碾細末。柏油調搽。紙蓋之。三日一換。

徐曰。治癬亦效。

如意金黃散

見腫瘍門

治症同前。用公豬膽汁調稠。敷患上。油紙蓋。扎勿動。

待其自脫。脫後色紅。再敷之。以色白為度。

神燈照法

見腫瘍門

治年久紫黑血風頑瘡流水作癢不絕。先用葱湯洗淨。以燈焰薰之。每薰二擦爲度。

血風瘡應用方

涼血消風散

見疥瘡門

頑癬第八十四

頑癬乃風熱溼蟲四者爲患。其形大小圓斜不一。有乾溼新久之殊。風癬如雲朶。皮膚嬌嫩。抓之則起白屑。溼癬如蟲形。搔之則有汁出。頑癬抓之則全然不痛。牛皮癬如牛項之皮。頑硬且堅。抓之如朽木。馬皮癬

微癢白點相連。狗皮癬白斑相簇。此等總由血燥風毒客於脾肺二經。初起用消風散加浮萍一兩。葱豉作引。取汗發散。久者服首烏丸蠟礬丸。外擦土大黃膏。或槿皮散。選而用之。俱可漸效。

徐曰。此症非服藥所能治。

土大黃膏

土大黃膏用白礬川椒三味研成末

硫黃八兩共相參頑癬搽之效不難

治乾溼頑癬。不論新久。但皮膚頑厚。串走不定。惟癢不痛者。

硫黃

八兩

生礬

四兩

點紅川椒

二兩



右各爲末。用土大黃根搗汁。和前藥調成膏。碗貯。新  
癬抓損。擦之多年頑癬。加醋和擦。如日久藥乾。以醋  
調搽。牛皮癬用穿山甲抓損。擦之妙。

徐曰。此搽藥最效。土大黃俗名秃菜根。

楣案頸項之癬。先用刀刺。次以土大黃醋磨極濃。  
新筆蘸塗。微覺癢痛。乾則再塗。次日卽結痂。更數  
日痂落。皮肉如常。余曾親試。如不用刀刺。則不癢  
痛而無效。

頑癬必效方

頑癬必效。川槿皮  
斑蝥大黃百藥餅

輕粉雄黃巴豆宜  
陰陽水和海桐皮

治多年頑癬諸藥薰擦搽洗不效者

川槿皮四兩輕粉

雄黃各四錢

百藥煎四餅

斑蝥

全用一錢

巴豆

去油一錢五分

大黃

二兩

海桐皮

二兩

右為極細末用陰陽水調抓損敷藥必待自落

徐曰此方要爛皮

又頑癬方

頑癬方中川槿皮再加七個楓子肉

斑蝥輕粉亦相宜新筆頻塗癬可醫

川槿皮

二錢

輕粉

五分

斑蝥

七箇

大楓子

七箇

河井水共一碗煎一半露一宿筆蘸塗之

徐曰此亦爛皮之方

頑癬浮萍丸

浮萍丸內用鈎藤  
僵蠶蒼耳豨莶草

蒼朮黃芩共苦參  
丸服何憂癬更侵

紫背浮萍

蒼朮

蒼耳草

各二兩

苦參

四兩

黃芩

僵蠶

各一兩

鈎藤

一兩五錢

豨莶草

二兩酒蒸

共爲末酒糊丸白滾湯每服二錢隨病上下服

膿窠瘡第八十五

膿窠瘡乃肺經有熱脾經有溼二氣交感先起水泡作

癢後變膿泡作疼以清熱散風涼血除溼爲治涼血

消風散是也外以蛇牀子散或諸瘡一掃光搽之亦

效兼戒口味自愈

蛇牀子散

蛇牀子散用黃丹  
大黃楓肉同研末

松香輕粉共枯礬  
油搽乾糝效非凡

治膿窠瘡生於手足徧身根硬作脹癢痛非常

蛇牀子

大楓子

肉 松香

枯礬

各一兩 黃丹

大黃

各五錢

輕粉

三錢

右爲細末麻油調搽溼爛者乾糝之

徐曰亦有效有不效

膿窠又方

膿窠方中用黃柏  
加上枯礬能燥溼

輕粉黃丹共石膏  
搽之痛癢卽時消

黃柏

一兩以公豬膽汁  
搽之火上炙三錢

石膏

一兩

輕粉

二錢

黃丹

枯礬

各三錢

右爲末。麻油調搽。溼者乾。乾者溼。

徐曰。此方治肥瘡大效。

膿窠瘡應用方

涼血消風散

諸瘡一掃光

俱見疥瘡門

火丹第八十六

火丹者。心火妄動。三焦風熱乘之。故發於肌膚之表。有乾溼紅白之異。乾者色紅。形如雲片。上起風粟。作癢發熱。此屬心肝二經之火。治以涼心瀉肝。化斑解毒湯是也。溼者色多黃白。大小不等。流水作爛。又且多。

疼此屬脾肺二經溼熱。宜清肺瀉脾除溼胃苓湯是也。腰脇生之肝火妄動。名曰纏腰丹。宜柴胡清肝湯。外以柏葉散如意金黃散敷之。

化斑解毒湯

化斑解毒湯石膏黃連升麻牛蒡等

元參知母共連翹甘草人中黃更高

治三焦風熱上攻致生火丹。延及徧身癢痛者。

元參

知母

石膏

人中黃

此味徐勒批曰不入

煎藥

黃連

升麻

連翹

牛蒡子

各等分

甘草

五分

水二茶鍾。淡竹葉二十片。煎八分。不拘時服。

徐曰不外此諸味

除溼胃苓湯

除溼胃苓湯二朮木通澤瀉防風等

二苓草朴滑山梔還須薄桂與陳皮

治脾肺二經溼熱壅遏致生火丹作爛疼痛者

防風

蒼朮

白朮

赤茯苓

陳皮

厚朴

豬苓

山梔

澤瀉

木通

滑石

各一錢

甘草

薄桂

各三分

水二茶鍾燈心二十根煎八分食前服

徐曰不合此症

柏葉散

柏葉散中用大黃加上輕粉水調敷

赤豆黃柏蚯蚓糞火丹癢痛何須問

治三焦火甚。致生火丹作癢。或作痛。延及徧身。

側柏葉

炒黃為末五錢

蚯蚓糞

韭菜田內者

黃柏

大黃

各五錢

赤豆

輕粉

各三錢

右為細末。新汲水調搽。

徐曰。隨舉三味。俱有小效。

### 纏腰火丹方

用寶鈔一張。燒化存性。研為細末。用米醋調稀。雞翎蘸塗。一日三次。即愈。忌食發物。

如意金黃散

見腫瘍門



治火丹不論新久癢痛用新汲水調敷靛汁亦好

天泡瘡第八十七

天泡者乃心火妄動脾溼隨之有身體上下不同寒熱  
天時微異上體者風熱多於溼熱宜涼血散風下體  
者溼熱多於風熱宜滲溼為先外用胡粉散石珍散  
搽之自愈此不早治變為頑風紫癩則難痊

解毒瀉心湯

解毒瀉心湯芩連  
山梔滑石元參草

荆防牛蒡石膏全  
木通知母共相煎

治心經火旺酷暑時臨致生天泡發及徧身者

黃連

防風

荆芥

山梔

黃芩

牛蒡子

滑石

元參

知母

石膏

錢

甘草

木通

各五分

水二茶鍾。燈心二十根。食後服。

徐曰。此症重在敷藥。如用煎方。亦不外此。

清脾甘露飲

清脾甘露飲茵陳  
麥冬澤瀉蒼枳殼

朮地翹芩梔赤苓  
元明粉草共燈心

治脾經溼熱鬱遏。乃生天泡。下體多而疼痛者。

白朮

赤茯苓

山梔

茵陳

麥門冬

生地

黃芩

枳殼

蒼朮

澤瀉

連翹

甘草

元明粉

各等分

水二鍾。竹葉燈心各二十件。煎八分。食前服。

胡粉散

胡粉散治天泡瘡。蛤粉共研為細末。

杭粉輕粉石膏良。絲瓜汁和效無雙。

治天泡紅腫發熱。急脹疼痛。用針挑破。糝此藥。

杭粉

兩

輕粉

石膏

煨

蛤粉

各三錢

共研極細。將泡挑破。揩乾。糝之。或用絲瓜葉搗汁調。

搽亦好。如冬月無此。用染布青缸汁調搽。

此八字。徐圈。

徐曰。此方加入蜜陀僧冰片尤妙。

又曰。此瘡必用剪刀剪破。方不袋膿。

楮案輕粉蛤粉徐圈。

石珍散

石珍散中煨石膏  
青黛再添黃柏末

還兼輕粉共相調  
將來一糝即能消

治天泡日久作爛疼痛不已膿水淋漓者

石膏

煨

輕粉

各一兩

青黛

黃柏

各三錢

右共研細甘草湯洗淨以此藥糝之其疼即止

肺風粉刺酒皰鼻八十八

肺風粉刺酒皰鼻三名同種粉刺屬肺皰鼻屬脾總皆

血熱鬱滯不散所致宜真君妙貼散加白附子敷之

內服枇杷葉丸黃芩清肺飲

徐曰此症宜外治須塗清火拔毒藥

枇杷葉丸

枇杷葉丸 天花粉 肺風粉刺併戲鼻

甘草黃芩酒泛丸 三症吞之俱可安

治肺風粉刺鼻戲初起紅色久則肉炮發腫者

枇杷葉

去毛刺 八兩

黃茶

酒炒 四兩

甘草

一兩

天花粉

四兩

共為末。新安酒泛丸。桐子大。每服一錢五分。食後併臨睡時。白滾湯茶湯俱可送下。忌火酒煎炒。

徐曰。此症宜服清肺藥。然亦非服藥所能治。

黃芩清肺飲

黃芩清肺飲 歸芎 薄荷翹葛 天花粉

紅花地芎兼防風 用治粉刺消無蹤

治症同前。

川芎

當歸

赤芍

防風

生地

乾葛

天花粉

連翹

紅花

各一錢

黃芩

二錢

薄荷

五分

水二茶鍾煎入分。食後服用酒一杯過口。

真君妙貼散

見腫瘍門

治肺風粉刺。戲鼻紅赤紫腫。早晚用涼水調敷。

雀斑第八十

雀斑乃腎水不能榮華於上。火滯結而為斑。宜六味地

黃丸以滋化源。外以玉容丸早晚搽洗漸愈。

徐曰。此必用塗藥。

玉容丸

玉容丸梔羌獨松  
芫蕪椒檀蠶藁本

荆礬辛柰芷麻風  
陀僧紅棗菊花同

治男婦雀斑酒刺及身體皮膚粗糙並用此洗。

甘松

山柰

細辛

白芷

白薇

白芨

防風

荆芥

僵蠶

山梔

藁本

天麻

羌活

獨活

蜜陀僧

枯礬

檀香

川椒

菊花

各一錢

紅棗肉

七枚

以上共為細末。用去淨弦膜肥皂一斤同槌作丸如

秋冬加生蜜五錢。如皮膚粗槁加牛骨髓三錢。早晚

洗之肌膚自然瑩潔如玉溫潤細膩。

徐曰。此專治去皮毛之風。義亦可取。

玉肌散

玉肌散用生菉豆  
三味還兼白附子

滑石白芷研成就  
雀斑酒刺治不謬

一切風溼雀斑酒刺白屑風皮膚作癢者並效。

菉豆

半升

滑石

白芷

白附子

各二錢

共為細末。每用三匙。早晚洗面時。湯調洗患上。

雀斑應用方

六味地黃丸

見肺癰門

汗斑第九十



蜜陀僧散

石黃

錢一

輕粉

分五

硫黃

雄黃

蛇牀子

各二

錢

蜜陀僧

錢一

共為末。醋調搽之。

相案汗斑本在末卷補遺。今移于此。

油風第九十一

油風乃血虛不能隨氣榮養肌膚。故毛髮根空脫落成

片皮膚光亮。癢如蟲行。

此句徐蜜點批曰此症必有蟲當用塗藥

此皆風

熱乘虛攻注而然。當服神應養真丹。外以海艾湯薰

洗並效。

海艾湯

海艾湯中甘菊花  
甘松藁本蔓荆子

防風薄荷藿香加  
荆芥同煎效可誇

治油風血虛風熱所致。皮膚光亮。眉髮脫落者。

海艾

菊花

薄荷

防風

藁本

藿香

甘松

蔓荆子

荆芥穗

各二錢

用水五六碗同藥煎數滾。連渣共入瓶口鉢內。先將

熱氣薰面。候湯溫蘸洗之。留藥照前再洗。

楣案海艾藁本甘松蔓荆子徐圈。

神應養真丹

見鶴膝  
風門

治風寒暑溼襲於三陽部分。以致血脈不能榮運肌  
膚。致生虛癢。眉髮脫落。皮膚光亮者。

白屑風第九十二

白屑風多生於頭面耳項髮中。初起微癢。久則漸生白  
屑。疊疊飛起。脫而又生。此皆起於熱體當風。風熱所  
化。治當用消風散。面以玉肌散擦洗。次以當歸膏潤  
之。髮中作癢有脂水者。宜翠雲散搽之。自愈。

徐曰。此症宜驅風養血。久而見功。

又曰。此宜塗驅風潤肌之藥。久則必生蟲。更兼殺

蟲之品

祛風換肌丸

換肌丸用石菖蒲甘草靈仙蒼朮等

牛膝胡麻參首烏芎歸花粉亦相須

治白屑風。及紫白癩風。頑癬。溼熱瘡疥。一切諸瘡。搔癢無度。日久不絕。愈而又發。

威靈仙

石菖蒲

何首烏

苦參

牛膝

蒼朮

大胡麻

天花粉

各等分

甘草

川芎

當歸

減半

右為末。新安酒泛丸。菉豆大。每服三錢。白湯送下。忌牛肉火酒雞鴨羊等發物。

徐曰。此亦非煎方丸方所能治。

白屑風應用方

消風散

見疥瘡門

翠雲散

見楊梅瘡門

玉肌散

見雀斑門

潤肌散

見白禿瘡門

耳病第九十三

耳病乃三焦肝風妄動而成。大人有虛火實火之分。小兒有胎熱胎風之別。虛火者耳內蟬鳴。或兼重聽。出水作癢。外無掀腫。宜四物湯加牡丹皮石菖蒲及腎氣丸主之。實火者耳根耳竅俱腫。甚則寒熱交作。疼

痛無時。宜柴胡清肝湯治之。又有耳挺結於竅內。氣脈不通。疼痛不止。以梔子清肝湯為治。外用黃線藥。插入挺肉縫傍。化盡乃愈。小兒胎熱。或浴洗水灌竅中。亦致耳竅作痛。生膿。初起月間。不必搽藥。候毒盡自愈。如月外不瘥。以紅棉散治之。則安矣。

紅棉散

紅棉散內用枯礬  
小兒聾耳將棉絞

麝香胭脂在其間  
再送藥末膿自乾

治耳內流膿。腫痛已消。膿尚不止。方用此糝之。

枯礬

上白  
三錢

乾胭脂

二錢

麝香

一分  
五釐

共研極細末。瓷罐收貯。先用棉裹絞盡耳內膿溼。棉

裹滾藥送入耳底自愈。

徐曰。另有方。

聰耳蘆薈丸

聰耳蘆薈丸木香  
山梔青黛柴胡等

芩歸膽草與大黃  
麝香青皮南星良

治肝膽有火耳內蟬鳴漸至重聽不聞聲息者。

蘆薈

大黃

蒸熟

青黛

柴胡

各五錢

龍膽草

當歸

山梔

青皮

黃芩

各一兩

木香

一錢

南星

三錢

麝香

五分

右為末。神麴糊為丸。菜豆大。每服二十丸。食後薑

湯送下。日服三次。漸效。

耳病應用方

柴胡清肝湯

梔子清肝湯

俱見鬢  
疔門

四物湯

見潰  
瘍門

腎氣丸

見肺  
癰門

漆瘡第九十四

漆瘡由來自異。有感有弗感也。俗稱木生人感之非也。漆乃辛熱有毒之物。人之皮毛腠理不密。故感其毒。先發為癢。抓之漸似隱疹。出現皮膚。傳徧肢體。皮破爛斑。流水作痛。甚者寒熱交作。宜韭菜汁調三白散塗之。服化斑解毒湯。忌浴熱水。兼戒口味。不然變為



頑風癬癩。愈而又發者多矣。

徐曰。宜用貫眾湯洗。

三白散

三白散中用石膏。搽時須用生非汁。

輕粉。杭粉共相調。肉上漆瘡頃刻消。

杭粉

一兩

石膏

三錢

輕粉

五錢

各為末。韭菜汁調敷。紙蓋。如無菜汁。涼水調敷。

徐曰。未必效。

又曰。石蟹磨汁塗。并飲一杯立愈。

漆瘡應用方

化斑解毒湯

見火丹門

瘞癩瘡第九十五

瘞癩者。密如撒粟。尖如芒刺。癢痛非常。渾身草刺。此因熱體見風毛竅所閉。宜服消風散。洗用苦參湯。甚者皮損匝匝成瘡。以鵝黃散軟絹帛蘸藥撲之。

徐曰。此俗名風燥之疾。

苦參湯

苦參湯用大菖蒲臨洗再加豬膽汁

河水煎淋效不虛。癩瘡痛癢自然除。

治瘞癩瘡作癢。抓之又疼。坐如芒刺。難以安睡。用苦

參四兩。大菖蒲二兩。河水五瓢。同煎數滾。添水二瓢。

蓋片時。和入公豬膽汁四五枚。淋洗瘡上。不二三

全愈愈後避風忌食發物

鵝黃散

鵝黃散用黃柏末更將滑石共和勻

輕粉豆粉同研入止痛收乾疾如失

治瘰癧瘡作癢抓之皮損隨後又疼用此撲之

菉豆粉

一兩

滑石

五錢

黃柏

三錢

輕粉

二錢

右爲細末以軟絹帛蘸藥撲之止痛收乾

瘰癧瘡應用方

消風散

見疥瘡門

疥腮第九十六

疥腮乃風熱溼痰所生有冬溫後天時不正感發傳染

者多兩腮腫痛初發寒熱以柴胡葛根湯散之外敷  
如意金黃散內熱口乾二便不利者四順清涼飲利  
之表裏俱解腫仍不消必欲作膿用托裏消毒散膿  
成者卽針之體虛人兼服補托藥自愈。

徐曰此症以驅風消痰軟堅清熱爲治赤豆爲末  
雞子清調塗立效。

又曰此症若在時氣病後餘邪未清仍宜照本症  
所感輕劑表散若無因驟起則如連翹夏枯草土  
貝甘草大力子白芷元參半夏橘紅黃芩赤芍薄

荷荆芥等藥俱可用。

疔腮應用方

柴胡葛根湯

見傷寒發頤門

四順清涼飲

見湯潑門

痰包第九十七

痰包乃痰飲乘火流行。凝注舌下。

四字徐圈

結而炮腫綿軟。

不硬。

四字徐圈

有妨言語作痛不安。用利剪刀當包翦破。

此句徐圈

流出黃痰若蛋清稠粘難斷。捺盡以冰硼散搽。

之內服二陳湯加黃芩黃連薄荷數服。忌煎炒火酒。

等件。

徐曰。此不常見之病。亦有生在頸項者。

又曰。此症人不識者多。宜留意。

加味二陳湯

加味二陳湯半夏  
苓連薄荷薑三片

茯苓甘草共陳皮  
痰飲生包服此宜

治痰飲流注舌下發腫作痛。針刺已破者。

陳皮

半夏

茯苓

甘草

黃芩

各八

分

黃連

薄荷

各五分

水二茶鍾。薑三片煎八分。食前服。

徐曰。此通治方。

痰包應用方

冰硼散 見咽  
喉門

癩風第九十八

癩風乃陽明溼熱沸騰於肌表。或外受風寒侵襲而成。其患初起水泡。作癢成瘡。破流脂水。癢至徹骨。久則成片。傳及徧身。好浴熱湯。形如風癩。初起上體多者。防風通聖散。去硝黃。加葱頭三莖。發汗以散外毒。下體多者。去麻黃。以攻內毒。通治則初服消風清燥湯。久服祛風換肌丸。外搽諸瘡一掃光。成片流水者。眞君妙貼散。皮膚頑厚有蟲者。麥餞散搽之。

徐曰。此症有似大麻風。而毒氣不深。全在肌肉。故

可治。

消風清燥湯

消風清燥湯。生地。花粉。川芎。兼白芍。

蟬蛻。防歸。芥。共連。苦參。甘草。與靈仙。

川芎

當歸

白芍

生地

防風

黃芩

黃連

天花粉

蟬蛻

苦參

威靈仙

各一錢

甘草

五分

水二茶鍾。煎八分。食後服。

徐曰。此通治方。

癩風應用方



防風通聖散

見時毒門

祛風換肌丸

見白屑風門

真君妙貼散

見癩癧門

諸瘡一掃光

見疥瘡門

麥錢散

見痘風瘡門

溼腫第九十七

溼腫者皆脾氣受傷之病。或飲食後驟受風寒。或飢渴

時誤食生冷。寒積於中。食不剋化。其患胸膈不寬。小

水不利。面目浮腫。漸至徧身。此上傷不能生化之故

也。宜用二蛟散。疏通稼土。溫養脾元。其小水自利。浮

腫自消。百發百中。

徐曰此症不得指一病名

榻案此症內外科書皆載之。愚意當專歸內科爲

宜。

二蛟散

二蛟散內用皮硝  
溼腫糖湯調服下

陳米三年要炒焦  
如蛟行水自然消

治生冷惱怒傷脾。致胸膈不寬。小水不利。面目四肢  
浮腫。諸藥不效。用三年老黃米炒焦黃色爲末。提淨  
芒硝三兩。鍋內溶化。炒乾爲末。每用一平杯和勻。再  
碾極細。大人壯實者。每服三錢。小兒十歲上下者。一  
錢二分。俱用赤砂糖三茶匙。和白滾湯半茶鍾。空心

調服至午大便一次。至晚再便一次。其疾先從眼胞消起。日久元氣虛者。與加味胃苓湯間服。至重者不過五服愈。

加味胃苓湯

加味胃苓湯尤苓澤瀉豬苓并厚樸

參查芍半藿香陳甘草香附效如神

治脾胃受傷。胸膈不寬。兩脇臌脹。小水不利。面目四肢浮腫。

陳皮

茯苓

白朮

白芍

各一錢

藿香

人參

厚朴

山查

澤瀉

半夏

各五

分

甘草

豬苓

香附

女人加一錢

薑三片。燈心二十根。水二茶鍾。煎八分。食前服。

徐曰。此調和脾胃通用之方。

楣案。藿香香附徐圈。

女人面生黧黑斑第一百

黧黑斑者。水虧不能制火。血弱不能華肉。以致火燥結成黑斑。色枯不澤。宜朝服腎氣丸以滋化源。早晚以玉容丸洗之。兼戒憂思動火勞傷。日久漸退。此症不得於夫及疑事不決者常有之。

面斑應用方

腎氣丸

見肺癰門

玉容丸

見雀斑門

鈕釦風第一百一

鈕釦風皆由風溼凝聚生瘡久則搔癢如癬不治則沿

漫項背當以冰硫散擦之甚者服消風散亦妙

冰硫散

冰硫散內礬硫椒灰火內煨令藥透

樟腦同將蘿蔔包豬脂熬熟共相調

硫黃

一兩

樟冰

川椒

生礬

各一錢

共為末先用白蘿蔔一個握空將藥填滿復將原皮

蓋之溼紙包三四層灰火內煨半時許待冷取開將

藥同熟豬油調稠搽之自愈

徐曰。此症主方。

鉅卸風應用方

消風散

見疥瘡門

枯筋箭第一百二

枯筋箭乃憂鬱傷肝。肝無榮養。以致筋氣外發。初起如

赤豆大。枯點微高。日久破裂。趨出筋頭。

四字徐圈

蓬鬆枯

稿。多生胸乳間。宜用絲藥線齊根繫緊。

此句徐圈批曰此法最捷

七日後自落。以珍珠散糝之。其疤自收。兼戒口味不

發。

五加皮 枯筋箭

徐曰。此卽腕子之大者。

枯筋箭應用方

絲藥線

見癩痛門

珍珠散

見下疳門

婦人腳丫作癢第一百三

婦人腳丫作癢。乃三陽風溼下流。凝結不散。故先作癢

而後溼爛。又或足底彎曲之處癢溼皆然。

枯礬散

枯礬散中用石膏四味將來爲末摻

黃丹輕粉共研調腳丫溼痒卽時消

枯礬

五錢

石膏

煨

輕粉

黃丹

各三錢

右爲末。溫湯洗淨。搽之卽愈。

楣案石膏輕粉徐圈。

手足破裂第一百四

手足破裂者。乾枯之象。氣血不能榮養故也。因熱肌驟  
被風寒所逼。凝滯血脈。以致皮膚漸枯。漸槁。乃生破  
裂。日襲於風。風熱相乘。故多作痛。以玉肌散洗擦。潤  
肌膏潤之。甚者兼服當歸飲子為妙。

手足破裂應用方

玉肌散

見雀斑門

潤肌膏

見白禿瘡門

當歸飲子

見疥瘡門

眼丹第一百五



外科正宗卷一  
三  
眼丹脾經有風。胃經多熱。共結為腫。風多者。浮腫易消。熱甚者。堅腫難散。初起宜用金黃散敷之。有表症者。荆防敗毒散。裏症者。清胃散加大黃利之。如不散。必欲作膿。宜換膏貼之。膿成者。卽針之。遲則眼頭自破。此乃睛明穴。內空難斂。成漏者多。

### 眼丹應用方

荆防敗毒散

見時毒門

清胃散

見牙縫出血門

金黃散

見腫瘍門

### 眼胞菌毒第一百六

菌毒者。乃脾經蘊熱凝結而成。其患眼胞內生出如菌。

頭大蒂小漸長垂出甚者眼翻流淚亦致昏矇治宜

用軟綿紙蘸水廕之眼胞上少頃用左手大指甲墊

於患根。徐曰右手以披針尖頭齊根切下。徐曰以藥

血出不妨隨用翠雲錠磨濃塗之其血自止內服涼

膈清脾飲二服仍忌海腥煎炒椒薑火酒等件不發

涼膈清脾飲。涼膈清脾飲地黃石膏芩芍與荆防  
薄荷甘草山梔子還有連翹一味涼

防風 荆芥 黃芩 石膏 山梔

薄荷 赤芍 連翹 生地 各一錢 甘草五分

水二茶鍾燈心二十根煎八分食後服

徐曰不必服藥

### 翠雲錠

治眼胞菌毒用針割後塗之。杭粉五兩。銅綠末一兩。輕粉一錢。共研極細。用黃連一兩。同川米百粒。水一碗煎一半。再熬折去二分。和藥作錠。陰乾。臨時用清水少許。淨硯上磨濃。雞翎蘸搽。又治爛弦風眼。或暴赤腫痛者。簾搽更效。

### 黑子第一百七

黑子。痣名也。此腎中濁氣混滯於陽。陽氣收束。結成黑

子堅而不散。凡人生此終爲不吉。面部不善者去之。  
宜細銅管將痣套入孔內。撚六七轉。令痣入管。一拔  
便去。此四句徐斷有痣浮淺不能拔者。用針挑損。搽  
圈批曰手法冰蠟散少許。糊紙蓋之。三日自脫。或灰米膏點之。亦  
可。落後珍珠散乾糝生皮而愈。忌醬醋無斑。

### 灰米膏

用成塊石灰。嫌水調稠。將白糯米插入灰內。留半米  
在外。片時許。候米熟。用米點上可落矣。

### 黑子應用方

冰蠅散 見癩癧門

珍珠散 見下疳門

狐氣第一百八

狐氣一名狐腋。此因父母有所傳染。又有因狐胎受生者。故不脫本來氣質。腋下多有櫻紋數孔。出此氣味。常以五香散擦之。內用蒜肚時常作饌食之。可以漸

退。

五香散

五香散內用沈香 更入檀香併木香 加上零陵香 更倍 就中尤烈麝香

沈香

檀香

木香

零陵香

各錢

麝香

三分

共爲細末。每用五釐。津調搽擦兩腋。下三日一次。或用香末二錢。絹袋盛貯。挂於腋下。

冬時徐曰。非此香藥所能愈。另有效方。

蒜肚方

用公豬肚一具。大蒜囊四十枚。去殼入肚內。以線扎口。水煮極爛。用鹽醋蘸肚。隨便食之。氣味甚者。用癩蝦蟆一個。入內同煮。肚爛去蝦蟆。大蒜用熱酒食之。洗浴發汗。避風三日。其氣頓改。

白禿瘡第一百九

白禿瘡因剃髮腠理洞開外風襲入結聚不散致氣血不潮皮肉乾枯發爲白禿久則髮落根無榮養如禿斑光潤不癢內血已潮以薑蘘潤肌膏常擦其髮漸生禿斑乾枯作癢者內必有蟲宜用麥餞散搽之蟲死風散髮生愈後忌動風發物等件

徐曰此症之因亦有數種

麥餞散

見痘風瘡門

治禿瘡頭毛脫落白斑如癰瘡痂累累疊起癢甚有如蟲行葱湯洗淨瘡痂用麻油調搽以氈帽戴之隨

後作疼發腫。忍之三日。後其痂漸漸而脫。其髮一生。戒諸發物。

諸瘡一掃光

見疥瘡門

治禿瘡髮脫作癢。本藥一錢。加倒挂塵二分。燈窩宿油調搽自愈。

潤肌膏

潤肌膏內用麻油熬透去渣黃蠟入

柴草當歸一併投禿瘡搽後髮盈頭

治禿瘡乾枯白斑作癢髮脫。用麻油四兩。當歸五錢。紫草一錢。同熬。藥枯濾清。將油再熬。加黃蠟五錢。化盡。傾入碗內頓冷。搽擦自愈。



奶癬第一百十

奶癬因兒在胎中。母食五辛。父食炙博遺熱。與兒頭面。徧身發為奶癬。流脂成片。睡臥不安。搔癢不絕。以文蛤散治之。或解毒雄黃散。甚則翠雲散。用青缸汁調搽。

徐曰。此乃小兒食乳時之癬。又名胎癬。

文蛤散

文蛤散中輕粉末香油調搽兒奶癬

川椒倍子炒須焦乳母還須飲食調

文蛤

四兩

點紅川椒

二兩

輕粉

五錢

先將文蛤打成細塊。鍋內炒黃色。次下川椒同炒黑。

色烟起爲度。入罐內封口存性。次日入輕粉碾爲細末。瓷罐收貯。香油調搽。奶母戒口爲妙。

徐曰：奶癰與諸癰微不同。此方甚平善。

奶癰應用方

解毒雄黃散

見血風  
瘡門

翠雲散

見楊梅  
瘡門

蟾拱頭第一百十一

蟾拱頭俗名腦豬是也。患小而稟受悠遠。皆父精母血蓄毒而成。只發一次。其患腫高。破之又腫。皆稟受時原有衣膜相裹。毒雖出而膜未除。故愈而又發。腫甚

膿熟者用針刺破以三品一條槍插入孔內。徐曰此却可用

然亦有用法 化盡內膜自愈。又有不腫而不收口者。此必

風襲患口。宜敗銅散搽之。兼戒口味自愈。

徐曰。此症用草麻子打干槌膏。加提毒糝藥可愈。

也。

敗銅散 敗銅散用舊罐末 銅錫鉛礪總化成 性熱最能收溼水 一乾再不復回津

治蟾拱頭已破後膿水不乾愈而又發。久不收口。用

化銅舊罐為末。此句洗淨患上。香油調搽忌口。徐圖

蟾拱頭應用方

三品一條槍

見痔毒門

小兒遺毒爛斑第一百十二

遺毒乃未生前胞胎稟受。因父母楊梅瘡後餘毒未盡。精血孕成。故既生之後。熱湯洗浴。烘薰衣物。外熱觸動內毒。發於肌膚之表。先出紅點。次成爛斑。甚者口角穀道眼眶鼻面皮肉俱壞。多妨乳哺。啼叫不安。初治宜早。內與土茯苓湯調。人中黃末。每日數次。共飲四五分。外用解毒紫金丹磨塗。十中可保三四。遲延毒甚。爛斑徧身不乳者。百中難活一二。此由根蒂受

毒深故也。

人中黃

治小兒諸胎毒。痘疹黑陷內收。脣焦口乾。風熱斑疹。赤遊丹毒。兼治大人傷寒陽症發狂。或諸惡瘡毒氣入裏。口燥咽乾。煩渴悶亂。中諸砒草河豚等毒。諸般急病。無有不效。用毛竹一段。兩頭留節。一頭鑽一小孔。用粉草磨爲細末。從孔灌滿。以木條塞緊孔眼。用磚扎之。沈入大糞池內。半年取起。長流水浸一日。帶竹風乾。瓷罐收貯。大人每服二錢。小兒每服三四分。

涼水調服。小兒胎毒爛斑。土茯苓湯調服。尋常熱病。入應病藥中調服。

徐曰。人中黃只宜治此等陽明惡毒之症。令其入于腸胃。隨糞瀉出。近日醫家不論何病。加入煎藥之內。竟是喫糞水矣。其可笑如此。

真君妙貼散

見腫瘍門

治小兒胎毒。皮肉腐爛。疼痛不安。用此敷即效。

小兒爛斑應用方

解毒紫金丹

見疥瘡門

蠮蛄串第一百十三

蠮蛄串由於思慮傷脾脾氣鬱結所生是疾氣血澆薄者多脾主四肢其患多生於兩手初起骨中作疼漸漸漫腫堅硬不熱不紅手背及內關前後連腫數塊不能轉側日久出如豆腐漿汁串通諸竅日夜留連腫痛仍在患者面黃肌瘦飲食減少久則寒熱交作內症並出首尾俱宜益氣養榮湯加味道遙散調和氣血扶助脾胃可生者十之二三補而不應氣血瀝盡而亡者多

徐曰。此虛痰流注也。當兼用補藥。

又曰。此症有似流注。惟連綿通串為異。乃純虛之症也。

蝮虫串應用方

益氣養榮湯

加味逍遙散

見癰門

小兒痘風瘡第一百十四

痘風瘡因痧痘後毒發未盡留熱肌膚復被外風侵入。其患先從細瘡作癢。次漸沿開成片。脂水生痂。搔之無度。宜用麥饑散搽之。兼戒口味。避風自愈。



麥餞散

麥餞散搽痘風瘡  
川椒生熟礬同碾

硫黃白信要相當  
調入麻油一擦光

治小兒痘風作癢。疊疊成片。甚則頑麻。不知痛。用小

麥一升。炒枯黃色。乘熱入鉢內。和硫黃四兩。白砒一

兩。細末攪勻。待冷取起。加烟膠半斤。川椒三兩。生枯

礬各二兩。共碾細末。臨用葱湯洗淨。以麻油調搽。油

紙蓋扎。三日一換。三次愈。

徐曰。白砒卻不可輕試。須換一味為穩。然此治禿

瘡為宜。痘瘡太猛。

小兒赤遊丹第一百十五。

赤遊丹受毒於未生前。發病於有生後。蓋身在胞胎。皆賴父精母血。生養父母。不能節慾。淫火猖熾。又不能戒諸厚味。以及炭火烘薰。重衾疊褥。種種熱毒。胎皆受之。及至生後。熱湯洗浴。烘薰衣物。觸動內毒。先發身熱。啼叫驚搐。次乃生丹紅腫光亮。瞬息遊走。發無定處。先從頭額起者。名天奪丹。以升麻葛根湯。母子同服。餘或起於腹背。流入四肢者。輕起於四肢。流入胸腹者重。有此總皆先砭惡血爲要。徐曰亦不必砭血之後。先用精豬肉縫片貼之。一時許。換如意金黃散用。

水芭蕉根搗汁調敷徐曰過之不可甚者日換二次內服大

連翹飲消毒犀角飲五福化毒丹毒氣入裏腹脹堅

硬不乳者紫雪散下之三日後身漸微涼砭血之處

肉便軟活聲清腹軟乳哺如常者順反此為逆

徐曰亦有胎毒全無因火溼交侵而生者

升麻葛根湯

升麻葛根湯麻葛黃芩白芍黑山梔

柴胡木通甘草入丹毒遊行功可必

治丹毒身體發熱面紅氣急啼叫驚搐

升麻

乾葛

白芍

柴胡

黃芩

山梔各一錢

木通

甘草各五分

水二茶鍾煎八分。不拘時。母子同服。

徐曰。方亦近似。總以外治為主。

大連翹飲

大連翹飲。梔芎歸。荆防甘麥柴芩等。

車前滑石石膏隨。蟬蛻木通牛蒡宜。

治小兒丹毒發熱。痰涎壅盛。一切諸瘡。痧疹。頸項生核。或傷風傷寒。時行發熱等症。並宜服之。

連翹

瞿麥

滑石

車前子

牛蒡子

赤芍

山梔

木通

當歸

防風

黃芩

柴胡

甘草

荆芥

蟬蛻

石膏

各五分

水二茶鍾。燈心二十根。煎八分。母子同服。

徐曰方太雜。

消毒犀角飲

消毒犀角飲防風  
還用燈心為引使

甘草黃連要協同  
赤遊丹腫有神功

治小兒丹毒身熱氣粗啼叫驚搖不甯。

犀角 鎊

防風

各一錢

甘草

五分

黃連

三分

右水二茶鍾。燈心二十根。煎四分。徐徐服之。

紫雪散

紫雪 矜犀 麻石 共  
寒水 硝硃 金箔 冰

沈木 香 兼 參 草 用  
赤遊丹毒堪施送

治小兒赤遊丹毒甚者毒氣入裏肚腹膨脹氣急不

乳即宜此藥救之。又治傷寒熱躁發狂及外科一切

蓄毒在內。煩躁口乾恍惚不甯等症。

升麻

寒水石

石膏

犀角

羚羊角

各一兩

元參

二兩

沈香

木香

各五錢

甘草

八錢

水五碗。同藥煎至一碗。濾清再煎滾。投提淨朴硝三兩六錢。微火慢煎。水氣將盡。欲凝結之時。傾入碗內。下硃砂冰片各二錢。金箔一百張。各預研細和勻。碗頓水內。候冷凝成雪也。大人每用一錢。小兒二分。十歲者五分。徐徐嚥之。即效。病重者加一錢亦可。或用淡竹葉燈心湯化服。

徐曰紫雪另有古方全劑修合甚費此乃改作小料以便隨時製用耳

楣案紫雪非散古方但稱紫雪此加散字蓋沿明刻本誤改明刻作紫雪歌也

針砭法

針砭之法絕世奇砭畢須將豬肉貼

丹上施針筋擊之赤遊掀腫用相宜

治小兒赤遊丹毒紅赤掀腫遊走不定用披針鋒尖向丹上以烏木重筋在針上擊之密砭去血多者爲妙血紅者輕紫者重黑者死砭畢溫湯洗淨用乾精豬肉縫大片貼砭處一時許方換如意金黃散水芭

蕉根搗汁調敷

徐曰：此不得已而用之。如有良藥，皆不必也。

如意金黃散

見腫瘍門

治小兒赤遊丹毒。紅如硃。熱如火。走如雲。散及徧身不定者。用水芭蕉根搗汁調敷。加蜜亦可。

亦遊丹應用方

五福化毒丹

見胎癰門

走馬牙疳第一百十六

走馬牙疳。言其患迅速。不可遲治也。乃痧痘餘毒所中。



又有雜病熱甚而成者。初起牙齦作爛。隨卽黑腐作臭。甚者牙齦脫落。齦旁黑朽。不數日間。穿腮破唇。誠爲難治。初起宜用蘆薈消疳飲。外用人中白散或冰硼散搽之。取去黑腐。內見紅肉血流者。吉。如取時頑肉不脫。腐爛漸開。掀腫外散。臭味不止。更兼身熱不退者。俱爲不治。

牙疳有五不治。口臭涎穢一不治。黑腐不脫二不治。牙落無血三不治。穿

腮破唇四不治。用藥不效五不治。

蘆薈消疳飲

蘆薈消疳飲。薄荷。梔。連。麻。莠。羚。羊。角。

元參。甘。桔。共。柴。胡。竹。葉。石。膏。不。可。無。

治小兒走馬牙疳。身熱氣粗。牙齦腐爛。氣味作臭。內

及穿腮破唇者。

蘆薈

銀柴胡

胡黃連

川黃連

牛蒡子

元參

桔梗

山梔

石膏

薄荷

羚羊角

各五分

甘草

升麻

各三分

水二茶鍾。淡竹葉十片煎六分。食後服。

徐曰。藥味不外乎此。但蘆薈黃連苦極傷胃。當思

變通之法。又此方太寒。宜滋陰驅風解毒清火為

妙。

人中白散

人中白散最稱奇。水片薄荷研細末。

黃柏兒茶青黛宜。溫湯漱淨口瘡吹。

人治小兒口疳。走馬疳。及牙齦腐爛黑臭者。

人中白 溺壺者佳 煨紅二兩

兒茶 一兩

黃柏

薄荷

青黛 各末 六錢

冰片 五分

共再研極細。先用溫湯漱淨。吹藥疳上。日用六七次。吹藥涎從外流為吉。內收涎毒入裏為凶。

徐曰。此治象疳之法。若走馬疳牙內有蟲。又毒火如焚。非殺蟲及清火之藥。不能奏效。當另覓良方也。

牙疳應用方

冰硼散

見咽喉門

重舌第一百十七

大人小兒重舌。乃心火妄動而發。當以線針點刺。

此句徐勒

批曰不宜用針

令出惡血。內服解毒瀉心湯。外以冰硼散搽

之。又有紫舌木舌。亦由心火而發。用飛鹽加冰片少許。勤搽出涎自愈。又有痰氣結於舌上。成核作痛硬強者。用線針點破出血。用冰硼散搽之。服後藥

徐曰。此症塗紫雪極效。

黃連瀉心湯

瀉心湯內用黃連。翹草。牛蒡。薄荷。葉。

荊芥。山梔。黃芩。兼木通。加上效如仙。

治大人小兒心火妄動。結成重舌。木舌。紫舌。脹腫。堅硬。語言不利。

黃連

山梔

荊芥

黃芩

連翹

木通

薄荷

牛蒡子

各一錢五分

甘草

五分

水二茶鍾。燈心二十根。煎八分。食後服。

徐曰。亦通治之方。

### 針刺法

治重舌。木舌。紫舌等。疾腫脹疼痛。硬強不語。又兼舌根併兩齒合縫盡處。作腫瘀肉塗塞。口噤難開。俱用

此法刺之用粗線針扎在筋頭上。在患處點刺出血。紅紫毒輕。紫黑毒重。患甚者數十點皆可。血盡溫湯漱之。重者金鎖匙。輕者冰硼散搽之。流去熱涎。內服涼膈散。或清涼飲。可選用。

徐曰。此法或有用處。然塗藥得宜。自能漸消。不必用此也。

重舌應用方

- 金鎖匙
- 冰硼散
- 涼膈散
- 四順清涼飲

俱見咽喉門

胎瘤第一百十八

胎瘤者。初生小兒。頭上胸乳間腫起。大者如鰻。小似梅李。此皆胎中瘀血疑滯而成。須候兒滿月外。方可用針刺破。出如赤豆汁則安。此二句徐國批曰。竟刺內。勿疑。當用敷藥封好。

服五福化毒丹

五福化毒丹

五福化毒丹連桔 青黛 人參 赤茯苓 元參 膽草 牙硝片 甘草 硃砂 衣用金

治小兒蘊積胎毒。以及諸瘡癩疹。傷風斑症。口舌生瘡。痰涎壅盛。譫言煩躁。夜睡不甯者。

元參

桔梗

赤苓

人參

黃連

龍膽草

青黛

牙硝

甘草

冰片

各一兩

錢五

分五

硃砂

三錢

金箔

二十張  
為衣

右為末。煉蜜丸。芡實大。每服一丸。薄荷燈心湯化服。  
兼治瘡症後餘毒。上攻口齒。涎血臭穢。以生地黃汁  
化下。如無地黃。竹葉燈心湯亦可。

徐曰。此方平妥可用。治上焦火毒尤良。

又曰。瘤症非服藥所能愈。外治之時。服此以養氣。

亦宜。

鵝口瘡第一百十九

鵝口瘡皆心脾二經胎熱上攻。致滿口皆生白斑雪片。



甚則咽間疊疊腫起。致難乳哺。多生啼叫。以青紗一條裹筋頭上。蘸新汲水揩去白胎。以淨爲度。重手出血不妨。隨以冰硼散搽之。內服涼膈之藥。

徐曰。此症宜紫雪最效。

鵝口瘡應用方

冰硼散

見咽  
喉門

涼膈散

見齒  
病門

痘癰第一百二十

痘癰乃出痘溜漿不足。毒流於脾肺二經。致手脚胸背結成漫腫。大如桃李。多發在收靨之後。身涼不渴者。

爲吉。有此不必內消。此句徐圖宜貼太乙膏。候膿熟針之。

元氣虛弱者兼服保元湯助脾健胃爲要。

保元湯

保元湯用參耆朮大棗二枚薑一片

變理還須甘草同膿清不斂即收功

治痘癰出膿之後脾胃虛弱膿清不斂者。

人參

黃耆

白朮

各一錢三分

甘草

薑一片。棗二枚。水一鍾半。煎六分。食遠服。

徐曰。太蠻。

痘疔第一百二十一

痘疔乃痘毒升發不盡留於心肝二經。初生紫點。次日

變黑。毒淺者浮高而潤。毒甚者深陷而焦。其發多出於七朝。上下將靨之際。又生於臀腿手足。身溫疤潤。音清者吉。發在肚腹腰腎。身熱色枯。聲啞者凶。凡見此者。急用針刺疔根。插入蟾酥條。候四邊裂縫。此句徐勒疔搖動者。用刀割去。四字徐勒搽玉紅膏。生肌完口。如針無血。插藥乾枯不變膿者。終為不治。但此症屬有餘。首尾俱宜加減鼠黏子湯為要。

徐曰。雖是疔毒。但係痘後。又屬幼科。不得與治壯夫同。另有和平安穩之法。

又曰。此與真疔微異。不得輒用重藥。內托毒氣。外用拔疔膏足矣。

加減鼠黏子湯

加減鼠黏子湯  
荆芥 山梔 甘草

花粉 知母 相當  
燈心 竹葉 煎嘗

鼠黏子

天花粉

知母

荆芥

山梔

各六

分

甘草

三分

冰二茶鍾。淡竹葉。燈心各二十件煎服。身熱加柴胡。

黃芩。有痰加麥冬。貝母。咽啞加元參。桔梗。咬牙加薄。

荷石膏。便秘加蜂蜜。元明粉。昏憤加黃連。硃砂。痲枯。

加當歸。生地。戀疔。加蟬蛻。用芎。

徐曰。此方太寒。

八珍湯 見腫瘍門

治痘疔落後。氣血虛弱。膿水出多。不能生肌。收斂。

痘疔應用方

蟾酥條 見疔瘡門

玉紅膏 見腫瘍門

黃水瘡第一百二十二

黃水瘡者。頭面耳項。忽生黃色。破流脂水。頃刻沿開。多生痛癢。此因日晒風吹。暴感溼熱。或因內滄溼熱之物。風動火生所致。治宜蛤粉散搽之。必愈。真君妙劑。

散亦效。

蛤粉散

蛤粉散治黃水瘡  
石膏黃相併輕粉

膿水沿開痛莫當  
水調敷上最為良

蛤粉

石膏

煨各  
一兩

輕粉

黃柏

生碾各  
五錢

其為細末。涼水調搽。冬月麻油調亦好。

黃水瘡應用方

真君妙貼散

見腫  
瘍門

外科正宗卷十一終

外科正宗卷十二

海甯許  
楣辛木訂

明崇川陳實功著  
吳江徐大椿靈胎評

海甯蔣光煇寅昉校

大人口破第一百二十三

口破有虛火實火之分。色淡色紅之別。虛火者。色淡而

有白斑細點。甚者陷露龜紋。脈虛不渴。此因思慮傷

脾。多醒少睡。虛火妄動而發。宜四物湯加黃柏知母

丹皮肉桂。肉桂徐勒以為引導。從治法也。外以柳花散搽



之。實火者。色紅而滿口爛斑。甚者腮舌俱腫。脈實口乾。此因膏粱厚味。醇酒炙燻。心火妄動而發。宜涼膈散。外搽赴筵散。吐涎則愈。如口舌生瘡。舌乾黃硬。作渴者。加減八味丸。以滋化源。俱禁水漱。

徐曰。此症不外清火養陰。亦當用紫雪碧雪等藥塗之。

### 柳花散

柳花散內君黃柏冰片還須加二分

青黛肉桂並研末用吹口破功難述

### 黃柏

淨末一兩

### 青黛

三錢

### 肉桂

一錢

### 冰片

二分

各為細末。其再研。瓷罐收貯。每用少許吹之。

赴筵散

赴筵散內柏苓蓮細辛等分和勻用

梔子乾薑各自研吹搽口破即安然

黃連

黃柏

黃芩

梔子

乾薑

細辛

各等分

右為末吹患處。

口破應用方

四物湯

見癩應門

涼膈散

見咽喉門

加減八味丸

見潰瘍門

脣風第一百二十四

脣風乃陽明胃火上攻其患下脣發癢作腫破裂流水

不疼難愈宜銅粉丸泡洗內服六味地黃丸自愈。

銅粉丸

銅粉丸中輕粉礬黃連膏子同冰片

銅青官粉麝香兼泡洗屑風效不凡

銅青

五錢

官粉

三錢

明礬

一錢五分

麝香

一分五釐

冰片

一分二釐

黃連

二兩切片煎稠膏

輕粉

一錢五分

右共為細末黃連膏丸如芡實大每用一丸放碗內

湯泡紙蓋候焯頓熱用上面清水勤洗之自愈

楣案屑風本在一百三十九今移于此

臭田螺第一百二十五

臭田螺乃足陽明胃經溼火攻注而成多生足指腳了

白斑作爛先癢後痛破流臭水好似螺麤甚者腳面

俱腫惡寒發熱。先宜甘草湯洗淨。貼蟾酥餅。三日三  
枚。後用珍珠散。豬脊髓調搽。膏蓋。掀腫處。用真君妙  
貼散敷之。其腫漸消。勿即步履。

### 臭田螺應用方

蟾酥餅

見疥瘡門

珍珠散

見下疳門

真君妙貼散

見腫瘍門

### 牛程躑第一百二十六

牛程躑乃程途奔急。熱腳下水。見風。以致氣滯血枯。結

成頑硬皮肉。榮衛不滋。漸生疼痛。腫高突起。腳難行

走。久則破裂。膿水。每日溫湯淨洗。搽牛角散。又有內

膿攻注皮頑難破者以大線針鋒頭挑破出膿乃寬。

硬皮敲破者翦而去之。徐曰皮尚活不可翦奈何肉不生者玉紅

膏長之肉滿不生皮者珍珠散搽上生皮乃愈。

徐曰此係內毒生足跟皮內最難療治。

牛角散

牛角散用牛角灰本方加上水龍骨

松香輕粉共研之牛髓調和搽上宜

牛角尖

燒灰

水龍骨

松香

輕粉

各等分

共為末。牛骨髓調搽。虛弱者兼服十全大補湯。

徐曰此專治之方。水龍骨或謂即船上舊油灰。

楣案牛角尖水龍骨牛骨髓徐圈。

牛程躩應用方

玉紅膏

見腫瘍門

珍珠散

見下疳門

蜚螂蛀第一百二十七

蜚螂蛀多生手指節中。不紅不熱。腫如蟬腹。

此句徐斷圈

乃

手少陰痰氣凝滯而生。初起不疼。日久方痛。痛久方

腐。腫仍不消。蟾酥餅膏貼。漸作稀膿。近者一載。遠者

三年。此症體弱者有之。內兼補劑。免變癆瘵之病。

徐曰。治手法與諸頑瘡同。

蜚螂蛀應用方

蟾酥餅 見疔瘡門

田螺泡第一百二十八

田螺泡多生手足。忽如火燃。隨生紫白黃泡。此脾經風

溼攻注。不久漸大。脹痛不安。宜線針挑破。泄去毒水。

太乙膏蓋挑破又生者。內服解毒瀉脾湯可愈。

解毒瀉脾湯

解毒瀉脾牛蒡子 石膏甘草黃芩等

防風蒼朮共山梔 木通燈草瀉心脾

防風

牛蒡子

山梔

石膏

黃芩

蒼朮

甘草

木通

各一錢

水二鍾。燈心二十根。煎八分。量病上下。食前後服之。

田螺泡應用方

太乙膏

見腫瘍門

蟾酥餅

見疔瘡門

玉紅膏

見腫瘍門

皴痛第一百二十九

楣案皴原本作股誤字書  
皴手足坼裂也今通作皴

皴痛多起於手足。乃風寒鬱於皮毛。致血不榮於肌表。

皮槁多痛。似無皮之狀。宜葱湯浸洗良久。隨以潤肌

膏擦之。勿見風冷。就暖自愈。又每年逢冬。即發者。須

三伏時。晒搗爛大蒜。間擦三次。不再發。

凍風第一百三十

凍風者。肌肉寒極。氣血不行。初起紫斑。久則變黑腐爛。



作膿者以碧玉膏主之。生肌斂口。

碧玉膏

見結毒門

治凍風皮肉損爛膿血淋漓疼痛不止者

獨勝膏

獨勝膏方最散寒六月每逢三六日

東風凍耳莫憂煎搽之冬凍不相干

治凍風凍跟凍耳每遇冬寒則發六月初六十六二

十六日用獨蒜搗膏日中曬熱

四字徐圈

在於遇冬所發

之處擦之忌下湯水一日共擦三次可以不發又每

常凍風用茄根同葱煎湯浸洗亦不重發

楣案此即皴痛之甚者原本在膿窠瘡之後今姑

仍分爲二門。而移于此。

陰蝨第一百三十一

陰蝨又名八腳蟲。乃肝腎二經濁氣所成。生此不爲清。吉銀杏散。津調擦之。內服六味地黃丸。每斤加密炒黃柏一兩。蘆薈五錢。以清化源。愈後不發。

徐曰。髮內亦有。

銀杏無憂散

銀杏無憂散。麝香杏仁狼毒兼蘆薈。

水銀輕粉與雄黃七味研和調擦良。

水銀

鉛製

杏仁

去皮搗膏

輕粉

雄黃

狼毒

蘆薈

各一錢

麝香

一分

除水銀杏仁膏餘藥共碾篩細入上二味再研勻  
用土菖蒲煎湯洗之用針挑去蝨孔隨用津唾調擦  
使藥氣入內則不復生切忌牛犬鼈肉

徐曰用百部湯洗妙

榴案杏仁徐圈

陰蝨應用方

六味地黃丸

見肺癰門

葡萄疫第一百三十二

葡萄疫其患多生於小兒感受四時不正之氣鬱於皮

膚不散。結成大小青紫斑點。色若葡萄。發在徧體頭面。乃為腑症。邪毒傳胃。牙根出血。久則虛人。初起宜服羚羊散。清熱涼血。久則胃脾湯。滋益其內。又有牙齦腐爛者。用人中白散。

羚羊角散

羚羊角散用防芩甘草麥冬淡竹葉

牛蒡知母與元參止血消斑功效靈

羚羊角

防風

麥冬

元參

知母

黃芩

牛蒡子

各八分

甘草

二分

水二茶鍾。淡竹葉十片。煎六分。食遠服。

徐曰。此為主方。

楣案羚羊角牛蒡子徐圈

胃脾湯

胃脾湯內甘草陳白朮麥冬五味子

遠志沙參共茯神脈虛自汗可回春

白朮

茯神

陳皮

遠志

麥冬

沙參

各六分

五味子

甘草

各五分

水二茶鍾煎八分食遠服虛弱自汗者去沙參加入

參黃耆各五分

徐曰白朮一味不切

蒲萄疫應用方

人中白散

見口疳門

咬傷第一百三十三

人咬爲患。良肉受傷。陽明胃經之脈。循頰車入齒縫。多火多熱。凡食經此。無不燻爛下咽。又飲食炙燻之毒。無不侵襲。故傷人發腫。其痛異常。臭膿腐爛。痛徹連心。初咬時。一日內。衆撒熱小便。浸傷處洗淨。牙黃瘀血。咬孔上。蟾酥餅貼之。膏蓋。後出微膿。漸愈。如咬時未經此法。致腫痛發。胖疼甚者。亦與童便浸洗。浥乾。用粗紙撚蘸麻油點火。用烟燄薰咬處。良久方作。以解牙毒。仍以蟾酥條插入孔內膏蓋。候腫消時。換玉

紅膏搽之。長肉完口。如有雜症相兼者。亦隨症而治。

葱白甘草湯

葱白甘草湯二味  
每日洗之搽之

能治咬傷疼臭穢  
消瘀散腫功非細

治咬傷。掀腫疼痛。膿血淋漓。臭穢腐爛者。用葱白二

兩。粉草五錢。水三碗。煎至二碗。每日洗淨傷處。瘀腐

膿血。方用玉紅膏搽。黑膏蓋。漸愈。

咬傷應用方

蟾酥餅條

見疔  
瘡門

玉紅膏

見腫  
瘍門

風犬傷第一百三十四

風犬朝夕露臥。感非時不正之氣。故心受之。其舌外出。

肝受之。其目昏矇。脾受之。其涎自流。肺受之。其音不出。腎受之。其尾下拖。五臟受毒。乃成風犬。全稟陰陽。肅殺之氣。故常無故傷人。初咬卽服救生散。令小便中行。出血片。宜居靜室。忌諸口味發物。并忌見諸麻赤豆等物。及聞鑼聲。百日乃安。治之遲者。毒大而小便難出。必攻臟腑。久而成形。腹脹攻急。人聲若犬。眼神露白。則不可治。有愈後犯前禁。復發者。仍死。

救生散

救生散用斑蝥七  
杭粉一錢同作末

去頭翅足用其身  
空心酒服效如神

治風犬咬傷。用生斑蝥七個。去頭翅足。杭粉一錢同



研空心溫黃酒調服。一時許。小便行。出血片白脂。乃惡物也。如便疼。煎甘草湯飲之。自利。如毒未盡。次早再一服。至小便清白。方為毒盡。

徐曰。另有效方。

又方

治風犬咬。其人頂中必有紅髮一根。

此句徐圈

急須拔去。

以追風如聖散敷傷處。抽毒氣。內服救生散。

徐曰。宜更服木鼈子末如髮數。

柶案如髮數句未解。意者紅髮一根。服木鼈末一。

枚之數。如有二根。則服二枚。以次遞加。故曰如髮數。徐蓋語焉而未詳耳。

追風如聖散

追風如聖散吹風  
白莊細辛蒼朮等

川草烏芎藭薄荷同  
雄黃加上有奇功

治風犬咬傷。隨用敷之。其毒即可拔出。

細辛

防風

川烏

薄荷

草烏

川芎

白芷

蒼朮

各一兩

雄黃

四錢

共為末。溫酒調敷傷處。以紙蓋扎。早晚換二次。

惡蟲叮咬。第一百三十五

惡蟲乃各稟陰陽毒種而生。且如蜈蚣用鉗。蝎蜂用尾。

蛇以舌見之者勿觸其惡。自不被螫。苟有所傷。各尋類而推治。

治蜈蚣咬方

用蟾酥餅磨濃塗傷處。粗紙撚蘸麻油點火。用烟燄薰之。疼腫自消。或用雄雞糞搗水塗之。或用頭垢搽傷處。以撚燄薰之。俱效。

徐曰。人馬平安散外塗內服。大妙。

人馬平安散

補

西牛黃

四分

冰片

六分

麝香

六分

蟾酥

一錢

火硝

三錢

滑石

四錢

石膏

二兩煨

大赤金箔

四十張

共研極細末。瓷瓶收藏。切勿洩氣。此方本治夏月受暑。頭目昏暈。或不省人事。或患痧腹痛。吹入鼻中。立時起死回生。如騾馬受熱暈倒。亦將此吹鼻即愈。

### 治蝎螫方

蝎有雌雄二種。雄者螫人。痛在一處。雌者痛牽徧體。用井底泥敷痛處。乾則易之。一時無泥。取新汲水以青布隨痛處搭之。溫則再易。又方五月五日用黃蠟二兩溶化。將凝時投雄黃硃砂細末各三錢和勻。捏

成餅窩仍用貓兒眼草白汁端午時滴入窩內陰乾  
愈久愈佳復捏成塊密收臨用取一米許刺針尖上  
以燈燄化開滴正螫之處其疼卽止矣

### 治蛇螫方

用雄黃末

四字  
徐圖

蘭葉搗汁調敷腫上內用半枝蓮搗

爛取汁一兩熱酒四兩和汁服之蓋汗爲效仍用渣

敷傷處亦妙又方速用端午收採蒼耳草末五錢水

煎一鍾熱服蓋汗卽安如無端午收採者便用常日

採取陰乾者煎服一兩發汗亦效

又治七寸蛇螫方

七寸蛇青色扁形。尖尾短足。紅口者毒輕。青口者毒重。以舌螫人。其毒最惡。初螫時用雄黃末一錢。生礬

二錢。杓內溶化。將筋頭點藥傷處。

此二句徐密點批曰乘熱點成泡尤

妙冷則易之。連點七次。即愈。毒氣入裏者。解毒紫金

丹酒磨服一錢。蓋汗即愈。遲延毒走腫痛者。麻油燄

薰之亦瘥。

治河豚毒方

河豚血毒中人。舌麻心悶。白茅根搗汁冷飲。子毒中

人昏悶腹脹口噤難言。非金汁不能解也。

百蟲入耳第一百三十六

百蟲入耳。乃偶然悞入。如蠅蚊細蟲。以麻油數點滴入竅中。蟲卽自死取出。如蜈蚣蜜蜂等大蟲。以肉炙香安耳邊。其蟲聞香自出。有蟲夜間暗入者。切勿驚慌。響叫逼蟲內攻。宜正坐點燈光向耳竅。其蟲見光自出。對面有人見。其蟲不出。

誤吞針鐵骨哽咽喉第一百三十七

誤吞針刺。哽咽疼痛者。用亂麻筋一團。搓龍眼大。以線

穿繫留線頭在外湯溼急吞下咽頃刻扯出其針頭  
必刺入麻中同出如不中節再吞再扯以出爲度悞  
吞銅物者多食葶薺化堅爲軟若吞鐵骨之物腸中  
不能轉動覺墜者多食青菜豬脂自然送入大腸與  
糞同出諸骨哽喉用玉簪花根入錢各隨所犯之肉  
爲引煎湯服之轉出乃愈徐曰玉簪花湯須用竹管  
放喉間漸漸灌入若犯牙  
則牙必腐爛又諸骨哽於咽下不能外出者烏龍針推之  
骨下則安其法以細鐵線燒軟對折雙頭用黃蠟作  
丸如龍眼大裹鐵線頭上外用絲綿裹之推入咽內



其骨自然順下。不下再推。徐曰此法無用又方。用玉簪花根

切片煎湯漱之。徐徐吐出其骨自軟。再用乾飯嚥之

自下

### 人面瘡第一百三十入

人面瘡古有生者。近世罕聞。其瘡全似人面。眼鼻俱全。多生膝上。亦有臂患者。方書皆云。積冤所致。先須清心懺悔。改過自新。然後服十六味流氣飲。外用貝母爲末敷之。乃聚眉閉口。次用生肌斂口藥。亦可得愈矣。

人面瘡應用方

十六味流氣飲

見流注門

陰毒第一百三十九

陰毒乃純陰無陽。被天時寒冷肅殺之氣侵入肌膚。沈於骨髓。致氣不能升。血不能行。凝滯經絡。疼痛切骨。初起不腫不熱。朝輕暮重。久則作腫。漸紅爛。斑黑。麤臭水淋漓。穢氣薰蒸腐爛。漸開。終久必死。一人年三十歲。冬月隔港與鄰婦私交。房事方畢。忽婦夫回。慌忙隔港赴水而走。熱身受寒。五日後。小腹大臀陰痛。

不腫。日夜響叫。至一月後。穀道傍生一爛斑。黑麤倒陷。諸藥不效。至半月。大臀連黑。腐爛作臭。乾麤無膿。又十日。大臟俱壞。黑敗而死。又一人年四十歲。夏月好飲火酒。至夜赤身露臥。手膊連背陰疼難忍。一月後。肩發爛斑一塊。周圍微硬。色如紅棗。日漸延開。半月後。手膊半背共成黑麤。臭穢不堪。一月不食而死。一人中年肥胖。亦冬夏好飲火酒。飲後隨喫涼水。方臥。一日。頸項作疼。微腫。堅硬如石。三月外。項大如頭。石硬不熱。眞陰毒也。余辭不治。請別醫治之。項同身。

夫不食而死。又一人夜夢城隍拘見。責打二十。喊叫。其妻喚醒。隨後受刑。處揪腫作疼。青紫急脹。視之。眞棒毒也。用針刺破。流瘀血碗許。外肉腐爛作疼。調理兩月而安。此亦陰毒。故附記之。

失榮症第一百四十

失榮者。先得後失。始富終貧。亦有雖居富貴。其心或因六欲不遂。損傷中氣。鬱火所凝。隧痰失道。停結而成。其患多生肩以上。初起微腫。皮色不變。日久漸大。堅硬如石。推之不移。按之不動。半載一年。方生陰痛。氣

血漸衰形容瘦削破爛紫斑。滲流血水或腫泛如蓮。穢氣薰蒸晝夜不歇。半生疙瘡愈久愈大。越潰越堅。犯此俱為不治。予立二方。曾治數人。雖不獲全愈。而不夭。札速死。誠緩命藥也。

和榮散堅丸

和榮散堅歸地參丹酸遠柏併龍齒

茯神朮附貝南星蘆薈硃砂與角沈

治失榮症堅硬如石。不熱不紅。漸腫漸大者。

歸身

熟地

茯神

香附

人參

白朮

橘紅

各二兩

貝母

南星

酸棗仁

遠志

柏子仁

丹皮

各一兩

蘆薈

角沈

各八分

錢

龍齒

一兩煨無龍齒或用鹿角尖二兩煨亦可

硃砂

六錢為衣

存為細末。煉蜜丸。桐子大。每服八十九丸。食後用合歡  
樹根皮煎湯送下。患者若猛省自寬。澹薄甘命。亦有  
十中一二得愈者。否則難脫然也。

徐曰。不成方。

飛龍阿魏化堅膏

治失榮症及癭瘤乳岩。瘰癧結毒。初起堅硬如石。皮  
色不紅。日久漸大。或疼或不疼。但未破者。俱用此貼。  
用蟾酥丸藥末一料。加金頭蜈蚣五條。炙黃去頭足。

研末同入熬就乾坤一氣膏二十四兩化開攪和重  
湯內頓化紅緞攤貼半月一換輕者漸消重者亦可  
不大常貼保後無虞

中砒毒第一百四十一

砒乃陽精大毒之物服之令人臟腑乾涸皮膚紫黑氣  
血乖逆而死知覺早者大蘭根葉搗汁灌之輕則可  
解無蘭處以生菜豆同水研爛以水灌之多則見效  
如不解者以金汁灌之必甦甦後如頓不語者每日  
以菜豆水飲之毒盡則愈

取金汁法

用大毛竹一連二節。用刀刮去外青一半。用磚扎節中。沉入大糞池內。一年後取起。以長流水浸一日。取起。鑽開節孔。內蓄糞清。瓷罐收貯。凡遇有中砒毒。河豚毒。傷寒陽毒發狂。疔瘡。痧症。毒氣入裏。煩躁口乾。渴欲飲水。脈大有力者。並宜此藥。

落下頰拏法第一百四十二

摺案頰當作頰頰車下正中骨即下巴殼

落下頰者。氣虛不能收束。關竅也。宜令平身正坐。醫者以兩手托住下頰。左右大指入口內。納槽牙上。端緊。



下頰用力往肩下捺開關竅。向腦後送上。卽投關竅。隨用絹條兜頰於頂上半時許去之。卽愈。

徐曰此症兼有風痰。

救自刎斷喉法第一百四十三

白刎者。乃迅速之變。須救在早。遲則額冷氣絕矣。初刎時氣未絕。身未冷。急用絲線縫合刀口。糝上桃花散。多糝爲要。急以綿紙四五層蓋刀口。藥上以女人舊布裹腳。將頭擡起。周圍纏繞五六轉。扎之。患者仰臥。以高枕枕在腦後。使項鬱而不直。刀口不開。冬夏避

風衣被覆暖。待其氣從口鼻通出。以薑五片。人參二錢。川米一合。煎湯或稀粥。每日隨便食之。接補元氣。三日後。急手解去前藥。用桃花散糝刀口上。仍急纏扎。扎二日。急用濃葱湯軟絹蘸洗傷處。浥乾。用抵腳挑玉紅膏。放手心上捺化。捺於傷口。再用舊棉花薄片蓋之。外用長黑膏貼裏。周圍交扎不脫。膏之兩橫頭。再用黑膏長四寸。闊二寸。豎貼膏上。上下黏連好。肉庶不脫落。外再用絹條圍裏三轉。針線縫頭。冬月三日。夏月二日。每用葱湯洗浥。換藥自然再不疼痛。

其肉漸從兩頭長合。內服八珍湯調理月餘。如大便結燥。用豬膽套法。不可用利藥。雙嚙俱斷者。百日單斷者。四十日必收功完口。此法曾治強盜郭忠。阜隸沙窩。家人顧興。俱雙嚙齊斷。將危者。又單嚙傷斷者。十餘人。治之俱全活。

自勿應用方

玉紅膏

見腫瘍門

桃花散

如聖金刀散

見金瘡門

八珍湯

見潰瘍門

試知百病死生法第一百四十四

疾病非明醫不能決其凶吉。死生非神聖不能洞其機。關。予得呂祖一枝梅方。真仙傳也不敢私秘。刊以傳世。

呂祖一枝梅

呂祖傳授一枝梅  
二硃雄麝共臘脂

巴豆靈脂草麻子  
餅貼印堂識生死

治大人男婦小兒新久諸病。生死難定之間。用藥芡實大一餅貼印堂之中。點官香一枝。香盡去硃已後

一時許。貼藥處有紅斑。暈色。腫氣飛散。謂之紅霞捧

日。病雖危篤。其人不死。如貼藥處一時後。無腫無紅。

皮肉照舊不變。

徐曰。血肉已死。故如此。

謂白雪漫野。病雖輕淺。

終歸冥路。小兒急慢驚風。一切老幼痢疾。如貼之紅腫卽愈。此方可預知生死也。

硃砂三錢 銀硃一錢五分 五靈脂三錢 麝香三分 草麻仁

五分 雄黃 巴豆仁各五分 不去油

右各研細於端午日淨室中。午時共研。加油臘脂爲膏。瓷盒收藏。勿經婦女人手。臨時用豆大一圓捏餅貼印堂中。其效立見。用過餅送入河中。

造孽報病說第一百四十五

怪症出於無端。事必因乎有據。感應篇曰。若開如是花。

必結如是果。一黃冊書手。每至甲首家。務要殺雞一  
隻。先食頭尾。一歲二熟。下鄉殺雞。不計其數。一朝數  
盡。口中生出如菌者。大小六枚。填塞滿口。湯水難下。  
余視之。乃孽疾也。辭不可治。別請一醫。用刀割去。次  
日又生如舊。延至六十日。肌膚盡削。存骨如柴而死。  
一竿槍戶。傷殘生鳥。假如每日十命。一歲共計三千  
六百。盡屬死於無辜。況其雛之不得生者多矣。彼生  
于三人。俱至六七歲。徧身先發紅點。癢痛異常。數日  
後。點如鑽。趨腐爛流血。口稱百鳥相啄。令人趕打不

去。至月外。氣血瀝盡俱亡。予後勸解燒毀竿矢。合族持齋。六十二歲生一子。方得成立。一人五十餘歲。家眾養雞十餘隻。一朝眾雞齊叫。彼怒之。將眾雞兩腳齊肘。安檻上剝斷。其雞亂命飛跳。血盡俱死。一年後。足生脫疽。筋骨伶仃。流血不止。令妾將刀割去腳骨。瀝盡氣血而亡。一富家置窩弓。兼養鷹犬。五十後方生一子。二歲左右。頭角生孔。一處俱已露骨。視之。乃孽病也。不敢言其不治。奉上藥方。修合用之。無效。請眾醫治之。強投藥餌。延至三歲而歿。其人後遭橫事。

死於非命。一莊家以獵事爲樂。五十後徧身生塊。破後腐爛見骨。余知爲孽報。謂曰。先當杜養鷹犬。然後此病可治。彼從之。內服益氣養榮之藥。外用甘草當歸煎洗。仍搽玉紅膏。長肌完口。三月餘而愈。二年後復養鷹犬。又一年六月內。患陰症而歿。次子十歲。赴水死。已上數條。余所親見。皆慘戮生靈之報也。一訟師作中。與訟破眾家私。傷殘骨肉。不計其數。一日大腿腫痛。堅硬如石。疼痛異常。常欲以繩繫足。高懸梁上。其疼乃止。如放下。疼卽如故。予知孽報。辭不可治。



似此兩月一日午時親友四人相看忽聞腿內大響  
一聲其腫卽歸大臀腫如巴斗其腿卽消臀腫痛不  
著席將布兜懸挂其疼方可又兩月百苦而終又一  
年其妻徧身發腫如癩作癢非常破流脂水其時孟  
冬天氣常欲赤身裸露其癢稍止如著衣被其癢卽  
生如蟲攻刺予知孽報亦辭之後至隆冬赤身流水  
而死此異常之報也所謂逆天害理雖由己古往今  
來放過誰決無漏網

仙方活命飲今古不同論第一百四十六

古人朴實。其七情干涉者少。而從風寒暑溼外感凝滯者多。故設仙方活命飲。攻散所滯之腫。服此得效者。十常八九。由病者五臟不虛耳。今人穿鑿太過。七情煩攪過甚。內臟無有不傷。每見曾服過此藥。其瘡必不起發。脾胃再無不損。夫瘡不起發。脾胃傷敗。病者豈可得生。故今之治法。不論首尾標本。先必固脾胃。次行托藥。病無不活。愚見如此。幸同道者察焉。

徐曰。此段直是亂道。對症用藥。無有不愈。豈有古今之別。

栢案著書者於腫瘍方首列神授衛生湯。而此乃  
痛駁仙方活命飲。余取二方較之。大略相同。衛生  
湯僅少陳皮貝母沒藥。而多羌活沈香紅花連翹  
石決明。便秘者加大黃。是其方更猛於活命飲。乃  
是今而非古。此與近人言方苞之文。非望溪所及  
何異。

拾遺症第一百四十七

拾遺者因條款分門。未及細詳。故有失載。今補註于後。  
以便觀覽。

鼻疔生於鼻內。痛引腦門。不能運氣。脹塞鼻竅。甚者唇腮俱腫。

牙疔。生於牙縫之中。頂高突起。痛連腮項。破則流血。黑疔。生於耳竅之內。黑硬腐爛。破流血。水疼及腮顴。

以上諸症。俱先針刺。次行發汗。仍照疔類調治。

喉癰。生於咽外正中。妨礙飲食。紅腫熱痛。必欲潰膿。軟

而脹痛者。針之內。服補托之藥。玉紅膏搽貼。長肌完口。又有腐潰內通。湯水隨孔出者。曾治數人。俱亦無

妨。

臈疽生在膊上。連肩通腫。長堅而硬。

兌疽生在當手動脈之處。腫痛寒熱。痛徹手膊。舉動不便。

鳳眉疽發在兩眉之間。形長皮赤。痛引腦戶。二目合縫。光腫發熱。

透腦疽發在額上髮際之間。多發寒熱。頭疼如斫。不可忍耐。先用萬靈丹發汗。解散風邪。次宜清托。

附陰疽生在內踝上三寸。初生小泡。漸至赤腫。破流血。水痛亦徹骨。不能步履。

咬骨疽發在大腿內股不腫不紅痛徹骨髓初宜雷火  
針針入內服萬靈丹酒調服效。

陰疽生於右腿夾縫之下三寸痛連陰子小腹亦疼。

元疽生於左腿夾縫之下三寸漫腫連陰疼及大腿。

淵疽發在脇下初起不紅堅硬久則破潰有聲如嬰兒

啼狀。

徐曰奇症

膏蓋無聲去膏仍有異哉難治之症也。

楣案王君士雄歸硯錄載潘氏子肋下腫潰竄孔

甚巨孔中作聲如嬰兒啜泣吳江陳夢琴茂才希

恕視之曰此淵疽也證屬大虛固當補益但疽孔

外科正宗卷十一  
作聲則內膜已破。氣從旁出矣。非護其膜。補亦徒施。以人參白朮白芨烏梅炭白蠟黃蠟象牙屑豬脊髓和爲丸。令日三服。以固氣。仍擣諸藥。益以生肌之品。製若糊餅。塞疽口。絲綿裹。青鉛罨其外。大膏藥蓋之。闊布纏縛其體。三日一易。復用生脈六味加龍螭等品煎汁飲之。如是二十餘日。其聲漸除。三月餘而口斂。

又案外科心法亦言。聲如兒啼。爲內膜已透。可於陽陵穴灸二七壯。其聲卽止。將潰未潰。多服護膜。

散白蠟白芨各等分研末。輕者用一錢微重用二錢。重者用三錢。或酒或米湯調下。可免透膜。

玉枕疽生在腦後枕骨中。堅而難潰。痛引肩項。鼻塞氣粗。此太陽膀胱溼熱凝滯而成。

以上諸症。初起有表症者。便宜解表。有裏症者。卽與通利。潰後宜補托。久則宜收斂。此爲一定治法。不可亂投藥餌。以致危亡。

徐曰。此篇當記。

縳縛背瘡法第一百四十八



凡發背對口等大瘡已潰流膿時。冬夏宜絹帛四五層。蓋在膏藥外。再用綿布見方八寸。蓋在絹外。四角用蛇皮細帶綴之。扎在前胸。紮實瘡肉。庶瘡中暖氣不泄。易於腐潰。洗瘡時預備二紮更換。務要瘡內暖氣烘烘。此法最善。故補載於此。

癰疽內肉不合法第一百四十九

癰疽對口大瘡內外腐肉已盡。結痂時內肉不黏連者。用軟綿帛七八層放瘡上。以絹扎緊。睡實數次。內外之肉自然黏連一片矣。有患口未完處。再搽玉紅膏。

其肉自平。

徐曰。東洞庭劉某夫人患乳癰。醫者用刀向乳頭  
上寸餘出毒。瘡口向上。膿反下注。乳囊皆腐。寒熱  
不食。將成乳勞。延余治之。至九十日而未見功。蓋  
病者柔弱畏痛。既不敢於乳下別出一頭。而膿水  
從上注下。頗難出盡。故有傳囊之患。忽生一法。用  
藥袋一箇。放乳頭之下。用帛束縛之。使膿不能下  
注。外以熱茶壺熨之。使藥氣乘熱入內。又服生肌  
托膿之丸。於是膿從上泛。厚而且多。七日而膿盡。

生肌。又數日而全愈。後以此法治他證。無不神效。

此條從洄溪  
醫案采入

### 煉元明粉法第一百五十

冬至後用潔淨朴硝十斤。水一斗五升。白蘿蔔五斤。打碎。同入鍋內。將硝煮化。候湯滾足。撈去蘿蔔。以綿紙二層鋪竹絲箕內。架在新缸上。將硝湯徐入箕內。隨瀘隨添。以湯瀘盡爲度。將缸移在天井。露三日。其硝結在缸內。傾去餘水。漉乾爲止。將硝取下。再用砂鍋頓炭爐上。將硝一碗。化開煎滾。以銅匙鏟攪。將凝結

時鏟入小魚酢罐內。上空寸許。餘硝陸續照上法煉。畢。每一罐下。用三釘。品字樣插入地中。留寸半在外。將罐浮頓釘頭上。用瓦片蓋口。周圍用段磚砌百眼。鑪圍繞。離罐寸半許。著炭火入鑪內。四圍底火頂火。務要周匝。候罐硝紅爲度。次日取出硝來。預用大綿紙攤在潔淨陰土上。將硝碾細。用絹篩篩在紙上。約一錢厚。再不許多。門窗俱關閉。不令人見。三日後。其硝自然復活。色白如粉。輕虛成片。將鉢盛貯。內用紙蓋。再放亂紙寸許。以收潮氣。庶不凝結。此品最能降。

火化痰。清利臟腑。怪症服之可蠲。狂躁用之卽愈。搜  
除百病。安斂心神。不傷元氣。惟久病瀉痢者不宜。大  
人每服三四錢。小兒五分至一錢皆可。俱用白滾湯。  
或葱湯空心化服。候行二三次。隨飲稀粥。自然精神  
爽健。臟腑調和。津液頓生。百病如失。又煨過硝石六  
兩。加硃砂三錢。青黛一錢。冰片一錢五分。共研細末。  
照前篩紙上。再用紙蓋一層。四邊以界尺壓緊。勿令  
走氣。候三日外。取起密收。又名陽春紫雪。最治失心  
忘志。顛癇健忘。小兒急慢驚風。大人異症。每服五分。

至一錢俱用淡竹葉燈心湯化服屢有奇效不可盡述此乃神仙保命服食之品每一斤加生熟甘草末二兩葱湯化服二三錢令人容顏悅澤輕身耐老

楣案元明粉乃推蕩腸胃之藥經煉稍緩耳以爲神仙服食之品誤人不淺

又案此下有取紅鉛法徐用筆勾去故不錄

### 煉金頂砒法第一百五十一

用鉛一斤小罐內炭火煨化投白砒二兩於化烱鉛上用煉至烟盡爲度取起冷定打開金頂砒結在鉛面上

取下聽用。

煉硝石法第一百五十二

用潔淨朴硝半斤。罐內炭火鎔化煎乾。煨紅住火。冷定取出。卽成硝石。罐收聽用。利實火不利虛火也。

取蟾酥法第一百五十三

蟾無大小俱有酥。用闊銅鑷。鑷蟾眉稜高肉上微緊。拔出酥來。凝聚鑷裏。多則括下陰乾聽用。其取過之蟾。避風二日。仍送青草園中。自然不傷其生。如取之便見風下水。俱成破傷風。顛狂而死。

製附子法第一百五十四

大附子。要一兩以外者。不拘幾枚。以童便浸滷三寸。每日換便。夏浸三日。冬五日。再換童便。煮盡二香爲度。去皮臍。線穿陰乾。或口中曬硬。亦可收藏聽用。

昇白靈藥法第一百五十五

水銀二兩。用鉛一兩化開。投入水銀聽用。火硝二兩。綠礬二兩。明礬二兩。共研爲末。投入鍋內。化開炒乾。同水銀研細。入泥護陽城罐內。上用鐵蓋蓋之。兜以鐵梁。梁之兩端。用燒熟軟鐵線上下扎緊。用紫土鹽泥。



如法固口。留出蓋面。烘令十分乾燥。架三釘上。砌百  
眼爐圍之。先加底火二寸。點香一枝。中火點香一枝。  
頂火點香一枝。預用小罐安滾湯在傍。以筆蘸湯。擦  
擦蓋內。常溼勿乾。候三香已畢。去火。罐待次日取起。  
開出藥來。如粉凝結。蓋底刮下。收藏聽用。凡瘡久不  
收口。用此研細。糝上少許。其口易完。卽尋常收斂藥  
中用之。功亦甚捷。

徐曰。此藥除溼毒。不收口之瘡。餘俱有害。世人皆  
以昇藥爲收口之聖藥。其害無窮。

製寒食麵法第一百五十六

用白麵一斤外再以麵半觔調稠。捏成薄片二塊。將前麵包合於中。周圍捏緊合口。於清明正日蒸熟。挂透風處陰乾。將麵包藏。勿經女手。越久越效。

製披針喉針法第一百五十七

楯案披當從靈樞經作鉞大針也

披針古多用馬銜鐵爲之。性軟不鋒利。用之多難入肉。今以鋼鐵選善火候。鐵工造之。長二寸。闊二分半。圓柄扁身。劍脊尖鋒。兩邊芒利。入肉深淺。得心應手。如膿深。欲其口大。直針進而斜針出。劃開外肉。則口大。

矣。喉針長六寸。細柄扁頭尖鋒刺喉膿血令出。

諸藥製法第一百五十八

前方諸藥未詳製法。今開列於後。不須製者不錄。

人參

潤色明亮堅實為上輕砲不堪

天門冬

湯泡去心

麥門冬

去心

生地黃

酒蒸

熟地黃

酒蒸

白朮

米泔浸炒

蒼朮

米泔浸炒

黃耆

蜜水拌炒

甘草

消毒生用補托灸用

酸棗仁

炒研

遠志

湯泡去心微炒

五味子

炒研

肉蓯蓉

去鱗酒洗

牛膝

酒洗

破故紙

炒

當歸

酒洗

白芍

微炒黃色

白蒺藜

去刺

元參

去根

香附

童便浸炒

柴胡

去蘆

黃芩

酒炒

黃連 解毒生用止  
嘔薑汁拌炒

龍膽草 酒炒

知母 鹽水拌炒

瓜蒌仁 去殼  
去油 貝母 去心

陳皮 去白

桔梗 微炒

防風 去蘆

乾薑 炒黑

附子 童便浸煮

半夏 薑汁水煎

川烏 湯泡去皮尖

草烏 湯泡去皮尖

巴戟 湯泡去心微焙

南星 煨有為末入牛

膽內者

威靈仙 去根

仙茅 米泔浸蒸去皮

三棱 湯泡

澤瀉 蒸

大黃 實人生用 虛人炙用

海藻 酒洗

昆布 酒洗切絲

牡丹皮 去梗

王不留行 炒

牛蒡子 炒研

連翹 去梗心研

金銀花 去梗葉

牽牛 生用炒用

地骨皮 去梗

肉桂 去粗皮

茯苓 去粗皮

枸杞子 去蒂

琥珀 布包搥碎燈心

同研  
如麵細

山梔  
研炒

黃柏  
鹽水  
拌炒

山茱萸  
去核

杜仲  
鹽水拌  
炒斷絲

桑皮  
蜜水  
拌炒

辛夷  
去蒂

乳香  
去油  
為末

沒藥  
去油  
為末

枳殼  
麩皮  
炒

厚朴  
薑汁  
製炒

巴豆  
去油  
為霜

皁莢  
去皮  
子煨

五倍子  
去蛀  
末炒

蓮肉  
泡去  
皮心

山查  
去核

桃仁  
泡去  
皮尖

杏仁  
泡去  
皮尖

芒硝  
湯煮  
提淨

石膏  
煨研  
末

雄黃  
透紅  
明亮

硫黃  
去  
腳

硃砂  
淨明  
潔口

硼砂  
白色  
透明

砒霜  
白色  
明亮者  
有生煨  
兩用

自然銅  
醋煨  
七次

黃丹  
水飛  
炒紫

龍骨  
生用  
煨用

牛黃  
輕虛  
色黃

麝香  
去毛  
皮

犀角  
鎊  
末

羚羊角  
鎊  
末

龍齒  
煨存  
性

蜂蜜  
煉去  
白沫

蟬蛻  
去  
土

斑蝥

用米炒去翅足

僵蠶

去絲微炒

全蝎

酒洗去毒

蜈蚣

炙去頭足

蚯蚓

翻去腹土

田螺

去殼晒乾

牡蠣

煨研

石決明

煨

珍珠

豆腐內煮數滾布包搥碎同燈心研末

人中白

煨研

楣案各藥製法不一。自當檢尋本草。卽如陳皮去

白留白。各有攸宜。豈得概言去白。此不過爲習外

科者簡便起見耳。

逐日人神歌第一百五十九

初一十一二十一。大拇鼻柱手小指。初二十二二十二。

外踝髮際外踝位。初三十三三十三。股內牙齒足股肝。

初四十四二十四。腰間胃脘陽明手。初五十五二十五。  
口舌徧身陽明足。初六十六二十六。手掌胸前又在腸。  
初七十七二十七。內踝氣衝及在膝。初八十八二十八。  
手腕股內併在陰。初九十九二十九。在尻在足膝脛後。  
初十二二十三十日。腰背內踝足趺覓。此爲太古相傳。針  
灸莫犯爲吉。

十二時人神歌第一百六十

子踝丑腰寅在目。卯面辰頭巳手熟。午胸未腹申在心。  
酉背戌頭亥股續。

十干日針忌歌第一百六十一


甲不治頭乙耳喉。丙肩丁背與心求。戊己腹脾庚腰肺。  
辛膝壬當腎脛收。癸日不宜針手足。十干不犯則無憂。

屍神歌圖第一百六十二

屍神所在有根由。坤內外踝聖人留。震宮牙端分明記。  
巽位還居乳口頭。中宮肩骨連屍骨。面目還從乾上遊。  
手膊兌宮難砭灸。艮宮腰項也須休。離宮膝脇針難下。  
坎肘還連肚腳求。爲醫精曉屍神訣。萬病無干禁忌憂。



屍神圖



此圖一歲起坤。二歲起震。逐年順飛九宮。週而復始。行年到處。則所主症切忌針灸。俱勿犯之。否則變生他病。

醫家五戒第一百六十三

一戒。無論病家大小貧富。有請便往。勿得遲延。厭怠藥金。勿計校輕重。一例盡心施治。自然生意日增。不傷方寸。

二戒。凡遇婦女及孀婦尼僧人等。必候侍者在傍。然後入房診視。倘侍者偶不在傍。更宜謹避嫌疑。真誠診視。歸對妻子。亦不可妄談閨闈。

三戒。不得出脫病家珠珀珍貴等物。送家合藥。暗中調換。如果該用。令彼自製。庶無疑謗。

外科正宗卷十一  
四戒。凡爲醫者。勿耽嗜好。恐志慮紛馳。勿晏起。勿無事  
他出。致就診者。守候無時。切脈必當用意。寫方務要  
依經。不可胡亂杜撰。受人批駁。

五戒。凡娼妓及私夥家。請看亦當視如良家子女。勿存  
他意兒戲。以取不正之名。視畢便回。貧窘者。藥金可  
璧。病愈不可再往。

醫家十要第一百六十四

一要。先明儒理。然後習醫。或內或外。勤讀古書。手不釋  
卷。一一參明。融化得之於心。應之於手。臨症時。自無

差謬。

二要。選買藥品。必遵雷公炮製。或依方修合。或隨症加減。湯散取辦於臨時。丸丹預製於平日。膏藥愈久愈靈。線藥越陳越好。藥不吝珍。施必獲效。

三要。凡鄉井同道之士。不可傲慢輕侮。年尊者恭敬之。有學者師事之。名重而自高者。遜讓之。技精而未顯者。薦拔之。如此。自無謗怨。

四要。治家須與治病同人。不惜元氣。斲喪太過。則百病生。醫不顧來源。靡費太過。則百用窘。能治家然後養。

生有資。不致視病人爲奇貨。

五要。人受命於天。醫者受人謝儀。當知天道順逆。順取者吉。逆取者凶。不論多寡。是謂順取。勒索厚資。是謂逆取。天卽因其順逆爲報應。不可不做。

六要。凡里中親友人情。如婚喪疾病慶賀。及饋送來往之禮。不可求奇好勝。每食只可一魚一菜。一則省費。二則惜祿。至病人之家。尤不可苛求飲食。七要。貧窘之家。及遊食僧道。衙門差役人等。凡來看病。不可要他藥錢。只當奉送。貧窘至極者。當量力資助。

不然有藥無食。活命亦難。

八要。凡有所蓄。隨其多寡。便當置買產業。以爲根本。不可收買玩器。及不急物件。浪費錢財。醫本仁術。有餘則以施藥可也。

九要。凡店中所用醫藥器具。俱要精備齊整。不得臨時缺少。又古今前賢及近時名公新刊醫書。必尋究參閱。以進學問。

十要。凡奉官衙所請。必當速去。毋得怠緩。要誠意恭敬。告明病源。開具方藥。病愈之後。不得圖求匾禮。亦不

得請託人情致生罪戾。

以上五戒十要乃保身保家之法。當置座右。朝夕省覽。賢能子孫遵而行之。可以成家立業。若不聽信。必有飢寒不足之憂。悔何及矣。

此更楣案五戒十要著書者蓋以垂爲家訓。故原本有與醫無涉者。余於全書俱順文刪改。不參己意。獨此稍爲增益。爲業醫者告焉。勒索厚資。尤外科包醫惡習。所望讀此而幡然改悔也。

外科正宗卷十二終